



宋文鑑卷第十六

五言古詩

檢書

感興

哭尹師魯

秋懷

同持國宿太學官舍

牟駝岡閱馬

許希

東州逸黨

贈張績禹功

小孤山

雜詩效玉川體

蘇

舜欽

蘇

舜欽

蘇

舜欽

江

休復

江

休復

江

休復

顏

太初

顏

太初

石

介

劉

敬

劉

敬

雜詩二首

劉敞

示張直温

劉敞

朝乘

劉敞

哀張子厚先生

司馬光

今古路

司馬光

漢文帝

王安石

戴不勝

王安石

司馬遷

王安石

揚雄

王安石

揚劉

王安石

日出堂上飲

王安石

我欲往滄海

王安石

少狂喜文章

王安石

今日非昨日

王安石

送潮州呂使者

王安石

雜詠

王安石

謝公

王安石

同昌叔賦鴈奴

王安石

寓言四首

王安石

道士山蔡天啓

王安石

夜夢與和甫別如赴北京時和甫作詩覺而有

作因簡純甫

王安石

獨卧有懷

王安石

檢書

蘇舜欽

煩心思所持屏事入小閣踞撲下塵梁後哆張敗笈雨
爛百數番虫食三四夾軒昂醉墨閑織悉新書雜魚子

或破碎蚕兒尚狎怡快心伯長文跋尾清臣榻幻辭友
知進故句時自匿墜亡多玩愛存聚必券帖踈密交及
戚前後生與溘詢求儼父師寒暑布兒妾謔浪突忽還
私匿情再接情事涕泫泫時歎啾啾一餉誠寂寞千
里邊會合遊心到句涌開眼見茗雲京華歷歷復卽物
忿忿涉恍爾驚異方道去乃幾臘回頭厭裝積舉體覺
疲茱束閣聊欠伸夢斷風一颯

感興

後寢藏衣冠前廟宅神主吾聞諸禮經此制出中古秦
嬴食先法乃復祭於墓漢衣以月遊於道蓋無取宣帝
尊祖廟失制徧九土孝元酌前文一旦悉除去魏帝樂
銅臺遺令置歌舞昏嗣竟從之此事在夫阻唐制益紛
華諸陵鎖嬪御曠女日哀吟於先亦奚補吾廟 三聖

人乘雲不可覩威靈已霄漢 嗣皇念 宗祖繪事移
天光刻象肖神武徧勅舊遊地輸材起宮宇階城如以
金牆壁衣之黼功旣即奉迎法仗豐簫鼓玩好擇珍奇
目奪不可數三京佛老家已有十數處朝家雖奉先越
禮古不許君不祭臣僕父不祭支庶丹楹豈非孝聖貶
甚蕭斧大祀當以時寢廟卽其所惜謂恭儉德乃爲後
所監痛乎神聖姿遂與莫爲侶蒼生何其愚瞻歎走旁
午賤子私自歎傷時淚如雨

哭尹師魯

蘇

舜欽

前年子漸死予哭大江頭今年師魯死予方旅長洲初
聞尚疑惑涕淚已不收舉盃欲向口荆棘生咽喉憶初
定交時後前穆與歐君顏白如霜君語清如流予年人
甚少學古衆所羞君欲舉拔萃聲譽日搜搜不鄙吾學

異推尊謂前脩今踰二十年迹遠心甚稠後會國南門
夜談雪滿樓青燈照素髮酒闌氣益適昨君握兵柄節
制關外侯予才入冊府俄作中都囚飛章力辯雪危言
動前旒時雖不見省凜凜壓衆媮旋聞君下獄六月送
渭州渭州舊治所昔擁萬貔貅堂中坐玉帳堂下森蛇
矛令巖山石裂恩煦春色浮豐生無根牙衆言起愆尤
返來入狴犴吏對安可訕法定巧權詐刺骨不肯抽削
秩貶漢東驅迫日置郵窮途無一簣百口誰相調諸子
繼死亡清血漬兩眸貿然幾喪明憤苦結不瘳君性本
剛峭安可小屈柔暴罹此冤辱苟活何所求人聞不見
容不若地下遊又疑天憎善專與惡報雖二豎潛膏肓
衆鬼來擲廠棄局奔南陽後事得所投心膽尚卓犖精
明已彌留生平經緯才蕭瑟搔一丘青天自茫茫長夜

何憊心彼萬物孰不死死死常在嚴秋君齒方盛非衆期樹
風猷二邊况橫猾四海皆瘡痍斯時忽香亡孰爲朝廷
憂予方編吳氓日自親鋤耨無緣匍匐救兀兀空悲愁
時思莊生言所樂唯髑髏物理不可詰此說誠最優

秋懷

江

休復

西風萬里至曠然天地秋暮雨生夕涼百蟲鳴啾啾楚
山曉蒼蒼楚水亦悠悠騷人試登臨感物增離憂所思
在遐方欲往路阻脩香草有蕙蒞嘉樹有梧楸白露委
芳馨彫零使我愁窮年倦羈窘江湖思舊游紉蘭製芰
荷飄泛一葉舟肆情雲水間意適何所求

同持國宿太學官舍

江

休復

翳翳雲月薄冷冷雪風清學省夜岑寂天街斷人行廣
庭層閣陰尋廊步餘明松篠遞遙響如聞絃調聲悠悠

子佩詩講坐塵埃生迴就直舍休豐豐談道精心會境
物融泯然遺世宮寒眠屢展轉寤言寫素誠

年駝岡閱馬

江 休復

牧馬散近垌閱視乘高秋駝岡似涉苑惟阜帶川洲坡
陔故梁城榮薄西南陬連棚映林樾星羅倚層丘回風
吹陣雲奔騰欵來游野性脫羈馭飲斲遂所求腹幹頗
肥張鬱怒何彪休羣歐驟麋鹿逸勢凌蛟虬軍戎選輕
捷和鑿御調柔毛物有千名衆美歸驕驕梁王愁思臺
佛刹居上頭竭來一憑眺遺墟莽悠悠信陵骨已朽巖
穴誰見收當時英豪軍事逐東波流置酒臨風軒聊以
紓煩憂

許希

顏 太初

鍼工許希下蔡人住梁門西市三十年及天聖中皇躬

違裕有內戚達其姓名 上召見三進鍼而疾平而授
尚藥奉御其賜予不可勝紀謝恩畢西向而拜 上詢
其故奏曰臣拜本師扁鵲也 上惜其用心不忘本給
錢五十萬為立祠封曰靈應侯或曰人生乎世 積乎
習希失其習者也使希不習醫而習儒其遇主之日不
忘先師明矣若然則讀書為儒乘時取富貴高冠長劍
昂昂廟堂之上自負自得不知素王之力者許希之罪
人也因為詩云

京域名利途車馬相奔馳其間取富貴往往輸巫醫前
後十數輩身沒名已墮獨有許希者蘊菑何瑰奇始自
下蔡來所處尤喧卑西市三十年汨汨無人知一朝仗
至藝驟登文石墀三鍼愈 上疾神速不移時酬以六
尚官著藉通端闡旌以三品服佩紫垂金龜于時稱謝

畢西向復陳儀當廳敬焉且問歷歷宣其辭臣傳扁鵲術
遇主今得施特此一展謝臣心不自私
主上惜其意繫賞為嗟唏仍給水衡錢國西命立祠復
加靈應號金額照華棖自此輦轂下求禱何祁祁我過
慶成坊見之心且悲秦醫術雖如五腑及四肢所習得
其人千齒祀不虧魯聖術至大帝道與民彝所習非其
人一朝反相持小吏師苟况竊為辯說資作相藪焚書
詐云愚蚩蚩後之為儒者其心皆李斯昔在布衣日動
守先王規朝談十二經夕誦三百詩依憑稽古力榮進
無他岐及居朝堂上劔長冠我巍自謂天所賦焉知有
宣尼宣尼斷襲封十經寒暑移他姓為邑官鄉老皆驚焉
疑上章寢不報九重遭面欺諫官不舉失御史不言非
盡為許希笑得路忘先師

東州逸黨

顏太初

天之有常度躔次絕乖離地之有常理沉潛無變虧人
之有常道高下遵軌儀三才各定位萬古永不移二儀
設有變修德可以祈人道或反常其亂何由支昔在典
午朝國祚向陵夷日向中夜出赫赫來東陸地向太極
裂中有蒼鵠飛高厚災且異人妖亦繁滋始有竹林民
怪誕名不羈次有夷甫輩高談慕無為沉湎多越禮阮
籍兼輔之虛名能飾詐光逸與王尼何曾有先見不能
救其衰張華徒竭力無以扶其危至今西晉書讀之堪
涕洟爾來歷千年 炎宋運重熙東州有逸黨尊大白
相推號曰方外交蕩然絕四維六籍被詆訶三皇遭毀
訾坑儒愚黔首快哉秦李斯與世立憲度迂哉魯先師
流宕終忘反惡聞有民彝或為童牧飲垂髮以相嬉或

作概量歌無非市井辭或作薤露喝發聲令人悲或
稱重氣義金帛不為貨或曰外刑骸頂踵了無絲塵聚
復優雜何者為尊卑遙閱風波民未見如調飢偶逢紳
帶士相對如拘縻不知二紀來此風肇自誰都緣極顯
地多用寧馨兒斯人之一唱翕然天下隨斯人之一趨
靡然天下馳鄉老為品狀不以逸為嗤宗伯主計借不
以逸為非私庭訓弟子多以逸為宜公朝論人物翻以
逸為奇家國盡為逸禮法從何施我常病其事中夜起
思惟平地三尺限空車登無歧重載歷百仞所來因陵
遲萬一染成俗雖悔何由追衆人皆若夢焉能分其麩
衆人皆若醉不知啜其醜天下皆病痿俾誰就魯醫天
下皆病狂何暇炙其眉幸有名教黨可與決雄雌所嗟
九品賤不得立文墀賈誼唯慟哭梁鴻空五噫終削南

山竹冒死指其疵願乘九廟靈感悟宸心知赫爾奮獨
斷去邪在勿疑分捕復大索儉人無才遺大者肆朝市
其徒竄海湄殺一以戒萬是曰政之基千奴共一膽膽
破衆自隳無使永嘉風敗亂昇平時

贈張績禹功

石介

李唐元和間文人如蓬起李翱與李觀言雄破莖充孟
郊及張籍詩吉動天地持正不退讓子厚稱絕偉元白
雖小道爭名愈弗已卒能霸斯文昌黎韓夫子吾宋
興國來文人如擲比黃州才專勝漢公氣全粹晦之號
絕羣平地走虎兕謂之然駁雜亦文中騏驥曰稹洎盧
震江沱自為水朱巖兼孫僅培塿對嶽峙卒能霸斯文
河東柳開氏嗟吁河東波斯文乃屯否汨汨三十年淫
淫滿人耳粵從景祐後大儒復唱始文人如麻立縱橫

攢戰騎祖徠山磊砢生民實頑鄙容貌不動人心膽無
有比不度蹄涉微直欲觸鯨鯉有慕韓愈節有肩柳開
志今讀禹功文矛戟寒相倚寶光千里高飛出破屋裏
龍音萬丈長技出重淵底雷霆皆藏身日星或失次我
慙年老大才力漸衰矣禹功氣奔壯今方二十二前去
吾之年猶有十四歲今讀禹功文鬼鬼已驚悸更加十
四年世應絕傳類卒能霸斯文吾恐不在已禹功幸勉
旃當仁勿讓爾

小孤山

劉敞

驚波觸南崖反怒射北壁蒼山與相排所謂小孤石蟠
根萬仞淵聳角百丈碧祠堂豁精嚴行旅進粉澤或云
婦女神貽蠻頗有迹吾知定名意似欲旌介特流俗失
其真傳聞莫開釋居人私其利禍福妄損益競為媚如
說以誣聰明德先王拱山川禮典有廟食奈何媚於竈
屈已忘正直吾欲為小孤作書解行客復恐不見從嗟
哉世多惑

雜詩效玉川體

劉敞

毀巢鳳不至竭澤龍不游賢者有所歸得非龍鳳儔周
公下白屋聖德被九州趙禹謝賓客漢朝以為優澆淳
不相襲用舍何其繆苟徇一身利不為萬姓謀哀彼杖
杜詩死生遺道周

雜詩二首

劉敞

鑿井取泉飲上山採薇食豈不信憔悴所願皆我力泉
也非難致薇也不易得志士耻徒飽衆人苟所獲犧牲
畏芻豢樊籠害羽翼理宜在早無為晚更惑
道薄德亦散功名為時須用力世所賢守正衆云愚智

者競蒿目小人復適圖悠悠三季後此風益已渝安知
治未病舐痔而多車堯舜無能名越哉已矣夫

示張直温

劉敬

築山必使高鑿并必使深百正戒淺近盛德羞浮沉焉
有尺寸技能棲垂天禽焉有升斗泉能容橫江鱗借茲
論物理足以開君心隘在容不足弱在力不任大道如
路然固無古與今

朝乘

劉敬

朝乘日車出暮載星影還顛宜朝暮中出入咫尺間已
覺素志非更知人理艱小利專欲速大德不踰閑

哀張子厚先生

司馬光

先生負材氣弱冠游窮邊麻衣揖鉅公
言叛羌輩坐可執而讎意趣小參差萬金莫留連中年

更折節六籍事精研義農訖周孔上下皆貫穿造次循
繩墨儒行無少愆師道久廢闕模範幾無傳先生力振
起不絕尚聯絲教人學雖傳要以禮為先庶幾百世後
復觀三王前釋老比尤熾羣倫將蕩然先生論性命指
示令知天聲光動京師名卿爭薦延賓之石渠閣豈徒
脩簡編丞相正自用立有榮枯權先生不可屈去之歸
卧堅孤嫠聚蒲室餬口耕無田欣欣茹藜藿皆不思肥
鮮近應詔書起尋取病告旋舊廬不能到丹旆風翩翩
人生會歸盡但問愚與賢借令陽虎壽詎足驕顏滿况
於朱紫貴飄忽如雲煙豈若有清名高出太白巔門人
俱經帶雲梯會松阡厚終信為美繼志仍須專讀經守
書一作舊學勿為利祿遷好禮效古人勿為時所一作牽
修內勿修外執中勿執偏當令洙泗風郁郁滿秦川先

生儻有知無憾歸重泉

今古路

劉敬

出門道路多縱橫不可測我今欲遠行須問曾行客徐
徐逢路人借問青松側客曰今何往答之遊京國客乃
指要路而言行有益古路雖大道不如今路直但行今
人路猶如假羽翼彼客別我去獨自躊躇立為見今古
路信乃無苦忒今路足輪蹄古路多荆棘欲行今人路
恐背古人跡欲行古人路今人笑迂僻又擬不出門柰
何飢寒逼哀哀此時路悠悠蒼天色不避今人嫌路須
行古陌古陌雖然遠且保無蹶失勉哉自勉哉前去難
之適不獲見楊朱萬古凝愁魄

漢文帝

王安石

輕刑死人衆短喪生者偷仁孝自此薄哀哉不能謀露

臺惜百金灞陵無高立淺恩施一時長患被九州

戴不勝

王安石

昔在宋王所皆非薛居州區區一不勝辛苦亦何求懷
祿詎有耻知命乃無憂此士自可伶能復識此不

司馬遷

王安石

孔鸞負文章不忍留枳棘嗟子刀鋸間悠然止而食成
書與後世憤俳聊自釋領略非一家高辭殆天得雖微
樊父明不失孟子直彼欺以自私豈啻相十百

揚雄

王安石

孔孟如日月委蛇在蒼昊光明所照耀萬物成冬春揚
子出其後仰攀忘賤貧衣冠眇塵土文字爛星辰歲晚
天祿閣強顏為劇秦趨舍遠少迂行藏意終隣壤壤外
逐物紛紛輕用身往者或可返吾將與斯人

楊劉

王

安石

人各有是非犯時爲患害唯詩以譎諫言者得無悔汾
王昔監諂變雅今尚載末俗忌諱繁此理寧復在南山
詠種豆議法過四罪玄都戲桃花母子受顛沛疑似已
如此况欲諄諄誨事變故不同楊劉可爲戒

日出堂上飲

王

安石

日出堂上飲日西未云休主人笑而歌客子歎以秋指
此堂上桂始生在巖幽雨露飽所滋凌雲亦千秋所托
願永久何言值君收乃令卑濕地百蟻上窮餓丹青空
外好鎮壓已堪憂爲君重去之不使一蟻留蟻力雖云
小能主萬蚍蜉又能高其礎不爾繼者稠語客且勿然
百年等浮漚爲客當酌酒何豫主人謀

我欲往滄海

王

安石

我欲往滄海客來自河源手探囊中膠救此千載渾茂
語客徒爾當還治崑崙歎息謝不能相看涕翻盆客止
我且往濯髮扶桑根春風吹我舟萬里空自存

少狂喜文章

王

安石

少狂喜文章頗復好功名稍知古人心始欲老蠶耕低
徊但志食澣迨亦專城仰慙眞眞士府愧擾擾珉良夜
未渠央青燈數寒更撥書置左右仰屋慨平生

今日非昨日

王

安石

今日非昨日昨日可思明日異今日如何能勿悲當
門五六樹上有蟬鳴枝朝聽尚壯急暮聞已衰遲仰看
青青葉亦復少華滋萬物同一氣固知當爾爲我友南
山居笑談解人頤分我秋栢實問言歸何時衣冠污窮
塵苟得猶苦飢依徊歲已晚恐負平生期

田漏

王

安石

古星昏曉中寒暑已不疑田家更置漏寸晷亦欲知汗
與水俱滴身隨陰陽移誰當哀此勞往往奪其時

送潮州呂使君

王

安石

韓君揭陽居戚嗟與死隣呂使揭陽去笑談面生春當
復進趙子詩書相討論不必多鯁魚詭怪以疑民有若
大顛者高材能動人亦勿與為禮聽之汨羅倫同朝叙
朋友異姓接昏姻恩義乃獨厚懷哉余所陳

雜詠

王

安石

懷王自墮馬賈傳至死悲古人事一職豈敢苟然為哭
死非為生吾心良不欺滔滔聲利間絳灌亦何知

謝公

太安
御名

王

安石

走馬白下門投鞭謝公墩昔人不可見故物尚或存問

樵樵不知問牧牧不言摩沙峯蒼苔石點檢屐齒痕想此
絳長檣想此倚短轅想此玩雲月狼籍盤與罇井逕亦
已沒漫然木柰村摧藏羊曇骨故浪李白魂亦已同山
丘緬懷蒔蘭蓀小草戲陳迹甘棠詠遺恩萬事付鬼錄
耻榮何足論天機自開闔人理孰畔援公色無懼喜儻
知禍福根涕淚對栢伊暮年無乃昏

同昌叔賦鴈奴

王

安石

鴈鴈無定棲隨陽以南北嗟哉此為奴至性能懇則人
將伺其殆奴輒告之亟舉羣寤而飛機巧無所得夜或
以火取奴鳴火因匿頻驚莫我捕顧謂奴不直嗷嗷身
百憂泯泯衆一息相隨入繒繳豈不聽者惑偷安與受
給自古有亡國君看鴈奴篇禍福甚明白

寓言四首

王

安石

不得君子居而與小人游疵瑕不相摩况乃禍豐稠高
語不敢出鄙辭強顏酬始云避世患自覺日已偷如無
一齊人以萬楚人咻云復學齊言定復不可求仁義多
在野欲從苦淹留不悲道難行所悲累身修
周公歌七月耕稼乃王術宣王追祖宗考牧與宮室其
棠能聽訟召伯聖人匹後生論常高於世復何實
曹曹俗所共察察與世違違世有百善一疵惡皆歸就
求無所得猶以好名譏彼哉負且乘能使正日微
言失於須臾百世不可除行失几席間惡名滿八區百
年養不足一日毀有餘諒彼恥不仁戒哉惟厥初

遊土山示蔡天啓

王 安石

追我馬亦以兩黥挾斂書付衣囊果飯隨藥笈脩脩阿
蘭若土木老山脅鼓鍾卧空曠篋篋雕捷業升堂廊無
主考擊誰敢輒坡陀謝公冢藏禭久穿劫百金負酒地
野老今行饒緡懷起東山勝踐比稠豐於時國累却楚
夏血常喋外實備艱梗中仍費調燮公能覺如夢自喻
一蝴蝶栢温適自斃符堅方天厭且可緩九錫寧當快
一捷彼哉斗筭人得喪易矜怯妄言我齒折吾欲刊史
牒傷心新城堞歸意終難愜漂搖五城舟尚想浮河檝
千秋隴東月長照西州堞豈無華屋處亦捉蒲葵蕙碎
金諒可惜零落隨秋葉好事所傳玩空殘法書帖清談
眇不嗣陳迹恍如接東陽故侯孫少小同鼓篋一官初
嶺海仰視飛鳶跼窮歸放歎段高卧傳遠蹠牽襟肘即
見著帽耳纔擊數椽危敗屋爲我炊陳滫雖無膏汚鼎

尚有羹濡飲縱言及平生相視開笑靨耶鄞枕上事且
飲且田獵或昏眠委翳或妄走超躡或叫號而寤或哭
泣而覓幸哉同勝時田里老安帖易牛以寶劍擊壤勝
彈鋏追憐衰晉末此土方岌業強偷須吏樂撫事終愁
慄予雖天戮民有械無接摺翁今貧而靜內熱非復葉
予衰極今歲儻與雞夢協委蛇亦何恨吾兒已長鬢翁
雖歲長我未見白可鑷祝翁尚難老生理歸善攝久留
畏年少譏我兩占聶束火扶路還宵明狐兔懾蔡侯雄
俊士心僚形亦謀異時能飛鞚快若五陵俠胡爲阡陌
間跣足僅相躡諒欲交轡語怯子不能膺

夜夢與和甫別如赴北京時和甫作詩覺而有

作因簡純甫

王 安石

水菽中歲樂鼎茵暮年悲同胞苦零落會合尚淒其况

乃夢垂閱傷懷而賦詩詩言道路寒乃似北征時叔兮
今安不季也來何遲中夜遂不眠輾轉涕流離若我孤
主恩結草以爲期異叔善事國有知無不爲千里永相
望昧昧我思之幸唯季優游歲晚相扶持於焉可晤語
水木有茅茨畹蘭佇歸憩遶屋正華滋

獨卧有懷

王 安石

午鳩鳴春陰獨卧林壑靜微雲過一雨浙瀝生晚聽紅
綠紛在眼流芳與時競有懷無與言佇立鍾山頂

宋文鑑卷第十七

五言古詩

分題得瘦木壺

寄題徑山懷郎簡侍郎

過介甫歸偶成詩

劉景升祠

看白雲愛而成詩

哀老婦

悠悠西江水送李殿丞

魯恭太師廟

服除送兄弟還都

靈溝道中

謁孔先生

呂

公著

張

壤

曾

鞏

曾

鞏

狄

遵度

李

泰伯

王

回

韓

維

韓

維

韓

維

韓

維

下橫嶺望寧極舍

韓維

景仁示去歲所賦菊屏菊塔二詩輒以一篇答

之

韓維

讀書

傅堯俞

舉舉媚學子

王令

呼雞

王令

秋懷

王令

雜詩

王令

采選示王聖美葛子明諸友

王令

介亭

孫覺

讀魏世家

王安國

夏日獨居二首

王安國

堂上有遺鱸

王安國

忘言

王安國

異服

王陶

採息苾

鄭儼

兵器

陶弼

送同年滿叔範察判杭州監酒

王疇

四事

邵雍

高竹

邵雍

巢鳥

張光

臨水

黃元

次韻和子儀問蟬

黃庶

自警

范純仁

檢覆郊城早示同官及寄河南諸賢

劉攽

雜詩

齊魯

擬古

漕舟

題福唐津亭

分題得夔木壺

劉

劉

劉

沈

陳

呂

汝

汝

汝

文通

烈

公著

天地產衆材任材謂之智棟楠與楹枅小大無有棄方者以矩度圓者中規制嗟爾木之夔何異肉有贅生成擁腫姿賦象難取類隱括所不施鈎繩爲爾廢大匠睨而往惻然乃有意孰非造化功而終朽不器刻剔虛其中朱漆爲之偽鄭漿挹酒醴施用惟其利犧象非不珍金罍豈不貴設之於楹階十目肯注視幸因左右容反見謂竒異入之於才性夫豈遠於是性雖有不善在教之採勵才立不可用由上所措置飾陋就其長皆得爲良士執一以廢百衆功何由備是惟聖人心能通天下志

寄題徑山懷郎簡侍郎

張環

天地一洲渚北平南敬危幽并深以厚江淝清且竒武林頗英秀川匯仍山卑應接殫天巧類非人力爲徑山最佳處有巖稱玉芝居防俗士駕地乃賢人宜郎公留名德平時爲羽儀引年歸故里不復衣朝衣留侯黃石心白傅香山期結字名勝外日與塵事遠泉石景物狀盡任諸賢詩伊予來東藩濫持使者麾平生愛山水弗憚命駕之當候秋風高遠造巖下扉澣濯纓上塵散步松間暮未能繼高躅聊用慰所思

過介甫歸偶成

曾鞏

結交謂無嫌忠告期有補直道詎非難盡言竟多迂知者尚復然悠悠誰可語

劉景升祠

曾鞏

景升得二崩坐論勝凶殘正當喪亂時能使憔悴寬續紛多士至肅穆萬里安能收衆材助圖大信不難諸公龍鳳姿有待父盤桓得一固足興致之豈無端迺獨采擣襟不知取荷檀蓋云器有極在理良足歎

看白雲愛而成詩

秋 遵度

秋風吹白雲觸處自何谷初猶半洞門放出遍巖腹零落依水湄片段掛枯木餘影透微白滅跡混空綠煙蘿白鬱蒼島淑徒縈曲安知蒼梧野下覆猿鳥哭誰能久徘徊返顧祝黃鵠

哀老婦

李 泰伯

里中一老婦行行啼路隅自悼未亡人暮年從二夫寡時十八九嫁時六十餘昔日遺腹兒今茲垂白鬚子豈不欲養母豈不懷居繇役及下戶財盡無所輸異籍幸可免嫁母乃良圖牽車送出門急若盜賊驅兒孫孫有婦小大攀且呼回頭與永訣欲死無刑誅我時聞此言爲之長歎嗚天民固有窮鰥寡實其徒仁政先四者著在孟軻書吾君務復古旦旦師黃虞赦書求節婦許與旌門閭繫爾愚婦人豈曰禮所拘蓬茨四十年不知形影孤州縣莫能察詔旨成徒虛而况賦役間羣小所同趨姦欺至骨髓公利未錙銖良田歲歲賣存者唯萊汙兄弟欲離散母子因變渝天地豈非大曾不容爾軀嗟嗟孝治王早晚能聞諸吾言又無位反袂空漣如

悠悠西江水送李殿丞

王 回

殿中丞李侯清叔筦穎之酒事三年入朝闕下將別其
往還寮友皆索言焉長樂王回辱清叔之交最深而慕
其才志魁特將有以成功名於世也以謂挾此才潛此
志者第循其本而完之則物之應者自廣然功名之成
否豈足道哉故作悠悠西江水詩一章以興其義塞清
叔之索而聊寫其意云

悠悠西江水浩浩拍兩涯深滄含淵潭澄澄露陂池介
鱗育性命跳泳各適宜人謀濟任途航楫又泐洄飄風
吼天地白浪相翻逐旁觀駭非常水德自不虧風收浪
還恬狎者終何疑賢豪應世務有本亦若茲剛明發其
用愷悌以成之外物雖橫來我心固如夷功名豈足道
請監江水詩

魯恭太師廟

韓維

善教邈無跡其流在民心君看魯太師廟食猶至今豈
如文俗士朱墨坐浮沉趨營止目前不顧患害深去漢
餘千載此弊竟相尋我行道祠下感激爲悲吟不見田
雉馴啼鷓鴣空滿林

服除送兄弟還都

韓維

日月忽已遠再見新穀升喪期有常數吉我衣與纓俯
仰自悲吒淚下肝膽崩尚惟立身報未即泯餘生肅肅
忠憲公秉德輔休明報國有遺意訓言獨在聽况茲世
厚恩兄弟秩王庭一朝出門去事業各有營上當答君
仁下以爲親榮獨此抱痾瘵謝喧守柴荆掃冢奉時祭
獲田課春耕既無公家責聊徇俗者情出處雖云異要
以道爲程

春風來靈溝道中

韓維

春風來無迹，泱莽天地和。羣生樂時陽，飛鳥舞且歌。嗟爾道傍叟，寒餒獨見羅。短席不自蔽，皮骨撐枯柯。呼童問所以，口禁不得哦。所見且如此，况餘生齒多。吾聞古三代，仁術固匪他。老幼孤洎疾，餼養平不頗。斯道久寂寞，冥吾悲其柰何。

謁孔先生

韓維

月出高樹枝，影動酒樽處。樹深月色薄，稍以燈火助。主人喜我過，斟酌亦云屢。於時幸無累，所談非近務。涼風自遠至，清景淡吾慮。方斯西山秋，歷覽陪杖屨。

下橫嶺望寧極舍

韓維

驅車下峻坂，西走龍陽道。青煙入幾家，綠野山四抱。鳥啼春意闌，林變夏陰早。應近先生廬，民風亦淳好。

景仁示去歲所賦菊屏菊塔二詩，輒以一篇答

之

韓維

斯民去古遠，日與巧偽遷。粲粲黃金花，揉屈同杯捲。列屏聳浮圖，光彩生盤筵。匪惟悅羣兒，愛詠及華顛。我欲叱園吏，解結除其編。萬物有本性，各使歸自然。

讀書

堯俞

吾屋雖喧卑，頗不甚蕪穢。置席屋中間，坐卧羣書內。橫風吹急雨，入屋洒我背。展卷殊未知，心與昔人會。有客自外來，笑我苦癡昧。且問何為爾，我初尚不對。強我不得已，起答客亦退。聊復得此心，沾濕安足悔。

舉舉媚學子

王令

舉舉媚學子，居曰不吾知。知而有不能，無乃失於欺。不知未為患，不欺浩難期。咄哉天下懷，何以天下為。

呼雞

王令

雞呼雞來前犬吠犬至止夫豈必可召役以食乃爾今
吾曷為悲人而雞犬為自計無自存西山謝夷齊

秋懷

王

令

穢穢庭樹葉朝零非昔稠
啾啾草虫鳴暮急曉未休
爾虫無不平豈亦有哀憂
胡為勞呻吟與士感傷投
壯士亦何者哀哉與虫酬
所抱不列陳調苦難謠謳
極目有遠見直懷羞曲求
蒿藜襲久安功名忘前收
日月忽未幾天地今復秋
少壯負所懷老大安能謀
生無及人功死骨埋泉羞
胡為不奮飛徒與寒餓飢

雜詩

王

令

古人重非道飢不苟豆羹
有為非其心或不脫冕行
如何後世人以官業其生
鄙哉樂欺人猶以學為名

采選示王聖美葛子明諸友

王

令

酒樽厭運行衆客喧已醉
忽得簿上籍共出聲名外
孤昂忽雄軒泯默亦馴致
追爭相後先得失自愚智
隨時有能稱逐虜豈得訶
訾雖非人刀為適與天幸
值或競以禍覆亦有終自
遂卒無及物效徒有高人
氣回樽變新苟忽若已異
世嗟人久以迷高爵樂自
嗜誰為術術飽競逐孜孜
利矜驕侈雄奢摧折嘆淹
滯昏昏忘所大擾擾爭其
細安知澁昧間身非天所
戲是非未暇辨歡戚先已
至退之昔裁詩頗以豪橫
恃暮年意氣得金玉多自
慰買居紀廂榮顧影樂冠
佩喜將問巷好特與妻子
議彼哉何足道進退茲焉
係安知九列榮顧是德所
累寧論聖人為適莫固以
義有時曲肱樂不以易富
貴吾曹頗勉脩茲道久自
詣何必問浮雲斯理固可
視

員人肯介亭 孫 覺

真人昔未起奔鹿駭四方連延天目山兩乳百里長有
地跨江海無種生侯王中霄燎穹昊列石表壇場朱旗
大梁野英氣吞八流寥寥百年後故物亦已亡所餘彼
嶮巖峯顛屹相望主人承明老星斗工文章築亭紫霄
上坐客蒼蒼株旁攀雲弄明月曉星生扶桑禹山隔波濤
簡書永埋藏願逢希夷使水土還故常

讀魏世家

王

安國

亶亶談先生古今誰有得施為雖緒餘要在情不匿嗟
彼三代後淪胥入戰國程璜聞一言僊倏李克論材
稱權衡輕重無物惑吾心能如此乃可任人責

夏日獨居二首

王

安國

竹苗敷夏陰蘿蔓蔽朝亮感此節物佳百骸適無恙委
蛇投廣廈蕭瑟絕遺響稍離簡編餘俄得冠裾放身雖

勢利乖心遂弦歌尚默然想聖賢游世無得喪抱關秉
耜間未分棄冗長人生適意難聊各安所鄉
哲哲池沼脩綠萍隨上下鷺鷥堂廡燕白晝容俛仰顧
我亦晏如環廬花藥長無材助太平得地幸間曠稍被
千古書日覺神明王乘間盼物情自適忘外獎涵濡覆
載仁誰廢魚麗唱黃塵汎隴成黑霧荆衡饑奔波唱道
邊畀命營邊障吾此獨何為飛潛樂能饗何時聞解嚴
慰彼西南望當使少陵翁得見廉恥將

堂上有遺鱗

王

安國

堂上有遺鱗堂下無聚蟻但知嗜欲求不必風雨至客
方笑營營貪得故無幾安知萬類中趨舍忘彼已天乎
顧人寰等是一時戲受形巨細分貼患後先爾浸淫蚍
蜉生穴柱從此始莊生亦知言信矣當棄智

宋國志言 安國

宋國旌孝子東門毀以斃楚王好細腰後宮餒而殪物
情信可憐徇外易生死身存寵可誇亡矣安所恃吾今
思彼哉未足語釋利擾擾智驚愚卑卑學阿世吹嘘出
虹蜺頓挫入塵滓愛憎雖人為榮辱乃天使恩無斯須
懷怨已塞天地百年呼吸中毫髮誰豫已適者默然窺
陰陽驅意氣始終本何有一息累萬世由來適人適宿
昔多如此喟余聊自欲安得忘言士

異服

王

陶

辛有歎被髮趙靈喜胡服遂成陸渾戎終有沙丘辱用
夷反變夏亡禮以從俗先王仁義術詎用北求福齊栢
九合功不以兵車轂仲尼歎微管幾為左袵屬爾來豪
俠兒往往異裝束耀武何必然禦戎有前躅余敢告司

關異服宜禁肅

採晷茂

鄭

懈

朝芻一筐出暮芻一筐歸十指欲流血且急眼前飢官
倉豈無粟粒粒藏珠璣一粒不出倉倉中羣鼠肥

兵器

陶

弼

五代乏真主奸雄何僭偽橫磨闊刀劍白日相篡弑我
宋有神祖潛德動天意故天意若曰往為我之嗣
神祖拜稽首乃即皇帝位不惠兆民樂不怒諸侯畏顛
倒執玉帛奔走恐後至大商國三分一朝有其二
太宗以義撫 真宗以仁治王道竹箭直誦聲金鼎沸
獨有陰山戎時時寇邊地 天子赫斯怒大警巡澶衛
射殺右賢王遂斷匈奴臂狼心帖然服結好同昆弟自
此兩河閭寂寂無戎備卒閑喜夜歌將老貪春睡自此

爲太平恍逾三十歲戎吳乘我間南馳賀蘭騎陽關久
夜開樞朽不可閉陣雲起秦雍殺氣橫涇渭使臣股慄
奏宰相瞋目議僉曰亟發兵堅子坑甚易倉惶築邊壘
未戰力先瘁遇迫開庫兵士蝕鋒鏗脆防秋採舊屯推
轂謀新寄舊屯若且死少者無實藝良由不訓練手足
迷擊刺新寄將家子從小生富貴六韜未嘗讀口但知
肉味師復從中御進退由閹寺權輕號令冗兩戰無遺
類曹公棄七軍晉人獲三帥吾兵自此喪有詔新其製
此器不預設一旦何從致朝廷急郡縣郡縣急官吏官
吏無它術下責蚩蚩輩耕牛拔筋角飛鳥禿翎翅斨截
會稽空鐵烹董山碎供億稍後期鞭扑異他罪愁氛壅
太虛霽景晝冥晦我聞郭汾陽料敵多奇異單筆諭突
厥蕃酋膝雙隊又聞李西平臨戎有英氣身著紅錦袍
懷光肝膽碎是知用兵術在人不在器君耳舜高聽君
目舜明視願秣謀略長勿倚干戈銳

送同年蒲叔範察判杭州監

王疇

釋之乂未調王粲嘗從軍謂言塞垣事壯氣橫風雲育
材幸明代薦賢無令君如何漢酷冗沉此荆山珍萍氏
本幾酒周官有舜倫孝武事讓卻志清天地屯連兵無
時已四海蕭然貧官始操釀具權之飽師人利源一以
洩頽波蕩無垠糜穀費耒耜良釀爭清醇酒禁著律令
犯笞及其身狂藥乃陷奔傷哉堯舜民炎靈屬我右
天資英且仁邦力早雄富漢制仍相循歲賦二十萬經
入固已勤大農天下酒利彌年擁武節乘邊清國氛雄
雄百萬師跨邁聯燕秦仰給傾府庫賞資圖戎勳加斂
猶不足返古當何云抗城東南劇地將湖海鄰隴利冠

天下旗亭戲董圍彼雖斗筭職亦擇才英臣風霞氣已
肅凌潭寒彌新沙榜朝泛泛吳濤暮沄沄南州近牛斗
氣象雄霜旻汀楓變老枿赤葉晴相紛嘗茶泊幽寺觀
魚下輕綸行當收翹楚寧復混蒸新無爲狎吳叟坐戀
秋江蓴

四事

邵雍

會有四不赴時有四不出公會生會廣會醪會無貴亦
無賤無固亦無必里閑閑過從身安心自逸如此三十
年幸逢太平日

高竹

邵雍

高竹碧相倚自能發餘清時時微風來萬葉同一聲道
污得夷理物虛含遠情階前閑步人意思何清平

巢鳥

張先

烏啼東南林危巢鷓五六心在安巢枝一日千往復脫
網得羣食入口不入腹窮生俾反哺豈能報成育

臨水

黃元

人生朝復暮水波流不駐去年昨日水今日到何處摺
悵兩殘花嫣紅隨水去花落水東流識盡人生事

次韻和子儀問蟬

黃庶

落日掛樹間長我亭下陰園林動秋意高蟬忽微吟清
風轉餘聲香若下遠岑微物感時節鏗錫吐商金古樂
又破碎茲虫抱金音荒忽尚偃蹇激起壯士心願爲秋
蟬操被之朱絲琴

自警

范純仁

憶昔爲小官位卑職易營朋知喜其勤民口亦見稱中
間忝臺諫已覺言難行然賴識者恕尚謂無敢傾數年

忽遭遇用大過其能名虛稱不實任重力難勝具瞻不可欺舉動招譏評士論因不與自知亦甚明祿厚難報其徒茲驕侈萌子孫忘艱難服用饒誇矜清白素風成冗長浮費增親舊多責望厚薄貽怨憎貧賤勝富貴古語信可憑請病家罷免方幸憂責輕俄復統一道撫民帥邊兵寇狂適偃蹇民疲未蘇醒勝負繫司命休戚及羣氓細務委將佐大事稟朝廷所稟有違從委擇有不精差失雖豪釐致敗或丘陵殞身何足道誤國玷家聲可不常惕懼臨淵履春冰庶幾免危溢書此為心銘

檢覆郊城旱田示同官及寄河南諸賢

劉放

昔歲歉無年今交仍荐飢罷民去南畝賤價捐東菑藉藉道路問餓者何疊疊熟藿不充腸藹然穠與倪嗟我

祿代耕每食為不怡徒懷仲由志身賤那得施厲城上民訟比牒皆苦詞奉詔實有無百聞謝一窺星言說桑田行與父老期觸熱不敢休重趼寧告疲郊原赤如赭秉穗無子遺痕藝不可分四旁生莠藜流行誠代有愚弱豈易欺附上亦有刑殘下罪攸司鄙夫不忍此告吏咸赦之庶茲咻噢恩足以蘇惛瘖大農急經營言利析毫釐二吾猶不足一切寧謂宜國儻敏爭承鄭色用不危馮援焚券書田氏人若歸區區二小邦兩士能若斯當官在必行匪石安可移諸公悉吾友此志良弗非當令徇路人一聽狂者詩

雜詩

劉放

齊有梁丘據晉有樂王鮒據能愛晏嬰鮒欲殘叔譽二臣變兩朝事君為悅豫景有尚賢志據逆以為助平失

宥善心鮒乃速其去毋以據為賢易地則同趣丈夫處
世間必育遇不遇豈無覺者乎正色君亦悟區區孽幸
徒何忍就朋附

齊魯

劉放

齊魯大儒師專門成章句應物非已長何以責成務乃
其忠孝心足以事君父不如商利徒反道趨扼遇剝沐
以及膚泉貨山嶽聚賜金再百斤封邑成千戶若母天
事變豈不厚且固商鞅既誅夷桑羊亦刀鋸寄言逢衣
人施施幸安步

擬古

劉放

老萊隱窮楚因與時世隔暮歸恠車轍夜起辟山澤若
人不可見况肯低顏色安知叢臺下一旦三千客西遷
竟不還嗟哉莫良畫

漕舟

劉放

漕舟上太倉一鍾且千金太倉無陳積漕舟來無極幾
兵已十萬三垂戍更多廟堂方濟師將柰東南何

題福唐律亭

陳烈

溪山龍虎蟠溪水鼓角喧中宵鄉夢破六月夜衾寒風
兩生殘樹蛟龍喜怒瀾慙勤祝舟子移棹過前灘

宋文鑑卷第十八

五言古詩

懷賢閣

和子由記園中草木二首

調水符

贈劉莘老

甘露寺

垂雲寺

西齋

司馬君實獨樂園

除夜病中贈段老田

和頌教授見寄

京師哭任遵聖

蘇

蘇

蘇

蘇

蘇

蘇

蘇

蘇

蘇

蘇

蘇

軾

軾

軾

軾

軾

軾

軾

軾

軾

軾

軾

張詩丞益齋

蘇軾

送鄭戶曹

蘇軾

懷西湖寄晁美叔同年

蘇軾

送李公擇

蘇軾

種松得徠字

蘇軾

以雙刀遺子由子由有詩次其韻

蘇軾

與王郎昆弟及兒邁遠城觀荷花二首

蘇軾

送俞節推

蘇軾

東坡七首

蘇軾

冬至日贈安節

蘇軾

陳季常見過三首

蘇軾

初秋寄子由

蘇軾

過建昌李野夫公擇故居

蘇軾

栖賢三峽橋

蘇軾

高郵陳直躬處士畫鴈

蘇軾

次韻王覲正言喜雪

蘇軾

故李承之待制六丈挽詞

蘇軾

送范純粹守慶州

蘇軾

送千乘千能兩姪還鄉

蘇軾

故周茂叔先生濂溪

蘇軾

歐陽叔弼見訪道陶淵明事因語及元載

蘇軾

竹間亭小酌懷叔弼季弼

蘇軾

東府雨中別子由

蘇軾

過高郵寄孫君孚

蘇軾

次韻定慧欽老見寄

蘇軾

江月五首

蘇軾

遷居之夕聞鄰居兒請誦書

蘇軾

次韻子由所居

蘇軾

和陶淵明飲酒

蘇軾

和陶淵明愁詩

蘇軾

和陶淵明雜詩

蘇軾

和陶淵明始作鎮軍參軍

蘇軾

和陶淵明庚戌歲九月中於西田穫早稻

蘇軾

和陶淵明詠三良

蘇軾

和陶淵明貧士

蘇軾

夏晝

章望之

宿簡寂觀

袁陟

再遊雲居

袁陟

覆驗餘姚道中

王存

雜興二首

鮮于侁

新堂夜坐

鮮于侁

海州觀放鵲搏兔不中而飛去

沈括

觀餘姚海氛

謝景初

餘姚董役海堤有作

謝景初

法喜堂

謝景初

村居

文與可

新晴山月

文與可

屬疾梧軒

文與可

北山僧舍有閣曰懷賢南直斜谷西臨五丈原

諸葛孔明所從出師也

蘇軾

南望斜谷口三山如犬牙西觀五丈原鬱屈如長蛇有

懷諸葛公萬騎出漢巴吏士寂如水蕭蕭聞馬過公才

與曹不豈止十倍加顧瞻三輔間勢若風捲沙一朝長
星墜竟使蜀婦鬢山僧豈知此一室老煙霞往事逐雲
散故山依渭斜客來空弔古清淚落悲笳

和子由記園中草木二首

蘇

軾

種栢待其成栢成人亦老不如種叢篁春種秋可倒陰
陽不擇物美惡隨意造栢生何苦艱似亦費天巧天工
巧有幾肯盡爲汝耗君看藜與藿生意常草草

蘆筍初似竹稍開葉如蒲方春節抱甲漸老根生鬚不
愛當夏綠憂此及秋枯黃葉倒風雨白花搖江湖江湖
不可到移植苦勤劬安得雙野鴨飛來成畫圖

愛玉女洞中水既致兩餅恐後復取而爲使者

見給因破竹爲契使寺僧藏其一以爲往來
之信戲謂之調水符

蘇

軾

欺謾久成俗關市有契繻誰知南山下取水亦置符古
人辨淄澠故若鶴與鳧吾今既謝此但視符有無常恐
汲水人智出符之餘多防竟無及弃置爲長吁

贈劉莘老

蘇

軾

江陵昔相遇幕府稱上賓再見明光宮我冠挹擗紳如
今三見子坎壈爲逐臣朝遊雲霄間欲分丞相茵莫落
江湖上遂與屈子鄰了不見喜愠子豈真可人邂逅成
一歡醉語出天真士方在田里自比渭與莘出試乃大
謬獨狗難重陳歲晚多霜露歸耕當及辰

甘露寺

蘇

軾

欲遊甘露寺有二客相過遂與偕行寺有石如羊相傳
謂之很石云諸葛孔明坐其上與孫仲謀論曹公也大
鐵鑊二案銘手植帝所鑄畫師子一菩薩二陸探微筆

李衛公所留祠在寺梁武栢合抱矣近寺僧發古殿基
得舍利七粒并石記乃衛公為穆宗皇帝追福所葬者
也

江山豈不好獨遊情易闌但有相携人何必素所歡我
欲訪甘露當途無閑官二子舊不識欣然肯聯鞍古郡
山為城層梯轉朱欄樓臺斷崖上地窄天水寬一覽吞
數州山長江漫漫却望大明寺惟見煙中竺狼石卧庭
下穹隆如伏獅緬懷卧龍公挾策事瑯嶞一談收獅子
再說定名曠名高有餘想事往無留觀蕭公古鐵鑊相
對空團團坡陀受百斛積雨生微瀾泗水逸周鼎渭城
辭漢盤山川失故態怪此能獨完僧繇六化人霓衣挂
冰紈隱見十二疊觀者疑夸謾破板陸生畫青猊戲盤
踰上有二天人揮手如翔鸞筆墨雖欲盡典刑垂不刊

赫赫贊皇公英姿凜以寒古栢親手種挺然誰敢于枝
撐雲峯裂根入石窟蟠雜草得斷碑斬崖出金棺瘞藏
豈不牢見伏理可歎四誰皆龍虎遺迹儼未刊方其盛
壯時爭奪肯少安發興厲造物遷逝誰控搏况彼妾庸
子而欲事所難古今共一軌後世徒辛酸聊與廣武歎
不待雍門彈

僧清順新作垂雲寺

蘇

軾

江山雖有餘亭榭着難穩登臨不得要萬象各偃蹇惜
哉垂雲軒此地得何晚天功爭向背詩眼巧增損路窮
朱欄出山破石壁很海門浸坤軸湖尾抱雲巘葱蔥城
郭麗淡淡煙村遠紛紛鳥鵲去一一漁樵返雄觀扶新
獲微景收昔道道人真古人嘯咏慕嵇阮空齋卧蒲褐
芒履每自捆天憐詩人窮乞與供詩本我詩久不作荒

遊旋鋤墾從君覓佳句咀嚼發朝飯

西齋

蘇

軾

西齋深且明中有六尺牀病夫朝睡足危坐覺日長昏
昏既非醉踽踽亦非狂褰衣竹風下穆然中微涼起行
西園中草木含幽香榴花開一枝桑棗沃以光鳴鳩得
美蔭困立忘飛翔黃鳥亦行喜新音變圓吭杖藜觀物
化亦以觀我行萬物各得時我生日皇皇

司馬君實獨樂園

蘇

軾

青山在屋上流水在屋下中有五畝園花竹秀而野花
香襲杖履竹色侵盃罇樽酒樂餘春暮局消長夏洛陽
古多士風俗猶爾雅先生卧不出冠蓋傾洛社雖云與
衆樂中有獨樂者才全德不形所貴知我寡先生獨何
事四海望陶治兒童誦君實走卒知司馬持此欲安歸

造物不我捨名聲逐吾輩此病天所赫撫掌笑先生年
來效瘖啞

除夜病中贈段屯田

蘇

軾

躡躡三十九勞生已強半歲暮日斜時還為昔人歎
矍矍斯年鉅時今年一線在邪復堪把玩欲起強持酒
故交雲雨散惟有病相尋空齋為老伴蕭條灯火冷寒
夜何時旦勸僕觸屏風飢驅嗅空案數朝閉閣卧霜髮
秋蓬亂傳聞使者來策杖就梳盥書來苦安慰不怪造
請緩大夫忠烈後高義金石貫要當擊權豪未肯翫衰
懦此生何所似閻盡灰中炭歸田計已決此邦聊假館
三徑粗成費一技有餘煖願君更信宿庶奉一笑粲
和頓教授見寄

和頓教授見寄

蘇

軾

我笑陶淵明種秫二頃半婦言既不用還有責子數無

絃則無琴何必勞撫玩我笑劉伯倫醉髮蓬萊散二豪
苦不納獨以鍾自伴既死何用埋此身同夜旦孰云二
子賢自結兩重案笑人還自笑出口談治亂一生溷塵
垢晚以道自盥無成空得擲坐此百事緩側聞頓夫子
講道出新貫豈無一尺書恐不記庸庸陋邦貧且病數
米銖稱炭慙槐章先生十日坐空館袖中出子詩貪讀
酒屢煖任言各煩慎勿使輸薪粢

京師哭任遵聖

蘇軾

十年不還鄉兒女日夜長豈惟催老大漸復成凋喪每
聞耆舊二涕泣聲輒放老任况寄逸先子推輩行文章
以得吝言詩語尤清壯吏能復所長談笑乃夫上自喜作
劇縣偏工破豪黨奮走猾吏嚼齒對茲將哀哉命不
偶每以才得謗竟使落窮山青衫就黃壤宦遊久不樂

江海永相望退耕本就君時節相勞詢此懷今不遂歸
見鬪鬪葬并望哭國西門落日銜千嶂平生唯一子抱負
珠在掌見之齟齬中已有食牛量他年如入洛生死一
相訪惟有王濬冲心知中散狀

張寺丞益齋

蘇軾

張子作齋舍而以益為名吾聞之夫子求益非速成譬
如遠游客日夜事征行今年適燕薊明年走蠻荆東觀
盡滄海西涉渭與涇歸來閉戶坐八方在軒庭又如學
醫人識病由飽更風雨晦明淫跛躄瘖聾肯虛實在其
脉靜躁在其情榮枯在其色壽夭在其形苟能閑千人
望見知死生為學務日益此言當自程為道貢日損此
理在既盈願君書此詩以為益齋銘

送鄭戶曹

蘇軾

水遶彭祖樓山園戲馬臺古來豪傑地千載有餘哀
隆準飛上天重瞳亦成灰白門下呂布大星隕臨淮尚想
劉德輿置酒此徘徊爾來苦寂寞廢圃多蒼苔
河從可步響山到九里回山水自相激夜聲轉風雷
蕩蕩清河需黃樓我所開秋月墮城角春風搖酒盃
遲君爲坐客新詩出瓊瑰樓成君已去人事固多乖
他年君倦游白首賦歸來登樓一長嘯使君安在哉

送李公擇

蘇軾

嗟余寡兄弟四海一子由故人雖云多出處不我謀
弓車無停招逝去勢莫留僅存今幾人各在天一旼有知
長庚月到曉爛不收宜我與夫子相好手足侔比年而
見之賓主更獻酬樂哉十日飲衍衍和不流論事到深
夜僵仆鈴與騶頗嘗見使君有客如此不欲別不忍言

慘慘集百憂念我野夫兄知名三十秋已得其爲人不
待風馬牛他年林下見傾蓋如白頭

懷西湖晁美叔同

蘇軾

西湖天下景遊者無愚賢深淺隨所得誰能識其全嗟
我本狂直早爲世所捐獨專山水樂付與寧非天三百
六十寺幽尋遂窮年所至得其妙心知口難傳至今清
夜夢耳目餘芳鮮君持使者節風采爍雲煙清流與碧
巘安肯爲耳妍胡不屏騎從暫借僧榻眠讀我壁間詩
清流洗煩煎策杖無道路直造意所便應逢古漁父葦
間自寅緣問道若有得買魚勿論錢

種松得徠字

蘇軾

春風吹榆林亂葉飛作堆荒園一雨過戰戰千萬栽青
松種不生百株望一枚一枚已有餘氣壓千畝槐野人

易斗粟云自魯祖徠魯人不知貴萬竈飛青煤束縛同
一車胡爲乎來哉泫然解其縛清泉洗浮埃枝葉傷尚
困生意未肯回山僧老無子養眎如嬰孩坐待老龍蛇
清陰滿南臺孤根裂山石直幹排風雷我今百日客養
此千歲林不時不時醉時暗時茯苓無消息雙鬢日夜催古今一俛
仰作詩寄餘哀

以雙刀遺子由子由有詩次其韻

蘇軾

寶刀匣不見但見龍雀鏤何曾斬蛟蛇亦未切琅玕胡
爲穿窬輩見之要領寒吾刀不改問有愧在其肝念此
刀自藏包之虎皮班湛然如百井終歲不復瀾不憂無
所用憂在用者難佩之非其人匣中自長歎我老衆所
易屢遭非意子惟有王玄通堦庭秀芝蘭知子後必大
故擇刀所便署徇非不用一歲六七刻欲試百鍊剛要
須更泥蟠作詩銘其背以待知者看

與王郎昆仲及兒邁遶城觀荷花二首

蘇軾

昨夜雨鳴渠曉來風襲月蕭然欲秋意溪水清可罨環
城三十里處處皆佳絕蒲蓮浩如海時見舟一葉此間
真避世青翦低白髮相逢欲相問已逐鷺鷥沒清風定
何物可愛不可名所至如君子草木有嘉聲我行本無
事孤舟任斜橫中流自偃仰適與風相迎舉杯屬浩渺
樂此兩無情歸來兩溪間雲水夜自明

送俞節推字退翁尚

蘇軾

吳興有君子淡如朱絲琴一唱三歎息至今有遺音嗟
余與夫子相避如參辰趨翰指及錫餘在吳鯽歸翁
矣猶喜見諸郎窈然清且深異時多良士末路喪初心
我生不有命其肯枉尺尋

余至黃二年日以困匱故人馬正卿哀余乏食為於郡
 中請故營地數十畝使得躬耕其中地既久荒為茨棘
 瓦礫之場而歲又大旱墾闢之勞筋力殆盡釋耒而歎
 乃作是詩自愍其勤庶幾來歲之入以忘其勞焉
 廢壘無人顧頽垣長蓬蒿誰能指筋力歲晚不償勞獨
 有孤旅人天窮無所逃端來拾瓦礫歲旱土不膏崎嶇
 草棘中欲刮一寸毛喟然釋耒難我稟何時高
 荒田雖浪莽高庫各有適下濕種秔稻東原蒔棗栗江
 南有蜀士桑果已許乞好竹不難栽但恐鞭橫逸仍須
 卜佳處規以安我室家僮燒枯草走報暗井出一飽未
 敢期瓢飲已可必

自昔有微泉來從遠嶺背穿城過聚落流惡壯蓬艾去

為柯氏陂十畝魚蝦會歲旱泉亦竭枯萍粘破塊昨夜
 南山雲雨到一犁外泫然尋故瀆知我理荒蕪泥芹有
 宿根一寸嗟獨在雪芽何時動春鳩行可膾炙膾膾
肉作

種稻清明前樂事我能數毛雨暗春澤針水聞好語
以細雨為雨 時農夫相誦穉穉生分秧及初夏漸喜風葉舉月明
 看露上一一垂珠縷秋來霜穗重顛倒相撐拄但聞畦
 隴間蚱蟻如風雨中稻熟時 蝻蝻不害稻 新春便入
 甑玉粒照筐筥我久食官倉紅腐等泥土行當知此味
 口腹吾已許

良農惜地力幸此十年荒桑柘未及成一麥庶可望投
 種未逾月覆塊已蒼蒼農夫告我言勿使苗葉昌君欲
 富餅餌要須縱牛羊再拜謝苦言得飽不敢忘

過建昌李野夫公擇故居

蘇

軾

彭蠡東北源廬阜西南麓何人脩水上種此一雙玉思
之不可見破宅餘脩竹四鄰戒莫犯十畝森似束我來
仲夏初解籜呈新綠幽鳥向我鳴野人留我宿裝回不
忍去微月挂喬木遙想他年歸解組巾一幅對床老兄
弟夜兩鳴竹屋卧聽鄰寺鐘書窻有殘燭

栖賢三峽橋

蘇

軾

吾聞太山石蹟日穿綫溜况此百雷霆萬世與石聞
深行九地底險出三峽左長輪不盡溪欲滿無底竇跳
波翻潛魚震鱗落飛狄清寒入山骨草木盡取瘦空蒙
煙靄間傾洞金石奏響響飛橋出斂斂半月設玉淵神
龍近兩電亂晴晝垂瓶得清甘可燕不可漱

高郵陳直躬處士畫鴈

蘇

軾

野鴈見入時未起意先改君從何處者得此無人態無
乃槁木形人禽兩自在北風振枯葦微雪落璀璨慘澹
雲水昏晶熒沙礫碎弋人悵何慕一舉眇江海

次韻玉觀正言喜雪

蘇

軾

聖人與天通有詔寬獄市好語夜喧街濕雲朝覆砌紛
然退朝後色映宮槐媚欲夸翦刻工故上朱藍袂我方
執筆待未敢書上瑞君猶伏閣爭高論亦少慰罪罪止
還作盎盎風與氣神龍久潛伏一怒勢必倍行當見三
白拜舞謹萬歲歸來飲君家酣詠追既醉

故李承之待制六文挽詞

蘇

軾

青青一寸松中有梁棟姿天驥墮地走萬里端可期世
無阿房宮可建五文旗又無穆天子西征燕瑤池材大
古難用老死亦其宜丈夫恐不免豈患莫已知公如松

與驥少小稱偉奇俯仰自廊廟笑談無恙夷清朝竟不用白首仍憂時願斬橫行將請身乾沒兒言雖不見省坐折姦雄窺嗟我去公久江湖生白髭歸來若舊盡零落存者誰比公愁中散龍性不可羈疑公李北海慷慨多雄詞凄凉五君詠沉痛八哀詩邪正久乃明人今屬公思九原不可作千古有餘悲

送范純粹守慶州

蘇軾

才大古難用論高常近迂君看趙魏老乃為滕大夫浮雲無根帶黃潦能須史知經幾成敗得見真賢愚羽旄照城闕談笑安邊隅當年老使君赤手降於菟諸郎更何事折箠鞭其雛吾知鄧平叔不關月支胡

送千乘千能兩姪還鄉

蘇軾

治生不求富讀書不求官譬如飲不醉陶然有餘歡君

看龐德公白首終泥蟠豈無子孫念顧獨遺以安鹿門上冢回床下拜龍鸞躬耕竟不起耆舊節獨完念汝少多難冰雪落綺紵五子如一人奉養其色難烹雞獨食毋自饗首着盤口腹恐累人寧我食無肝西來四千里敝袍不言寒秀眉似我兄亦復心閑寬忽然捨我去歲晚留餘酸我豈軒冕人青雲竟生闌汝歸蒔松菊環以青琅玕搢音三年成可以掛我冠清江入城郭小圃生微瀾相從結茅舍曷背談金蠻

故周茂叔先生濂溪

蘇軾

世俗眩名實至人疑有無怒移水中蟹愛及屋上烏坐令此溪水名與先生俱先生本全德廉退乃一隅因拋彭澤米偶似西山夫遂即世所知以為溪之呼先生豈我輩造物乃其徒應同柳州柳聊使愚溪愚

歐陽叔弼見訪道陶淵明事因語及元載之死
歎其識有淺深退作此詩

蘇

軾

淵明求縣令本緣食不足束帶向督郵小屈未為辱翻
然賦歸去豈不念窮獨重以五斗米折腰營口腹如何
元相國萬鍾不滿欲胡椒銖兩多何用八百斛以此殺
其身何啻抵鵠玉往者不可悔吾其返自燭

竹間亭小酌懷歐陽叔弼季弼呈趙景貺陳履

常一首

蘇

軾

歲莫自急景我閑方緩觴醉餘西湖晚步轉北渚長地
坐略少長意行無澗岡又知薺麥青稍喜榆柳黃盎盎
春欲動澌澌夜未央水天鷗鷺靜月霧松檜香撫景方
婉婉懷人重淒涼豈無一老兵坐念兩歐陽我意正麋
鹿君才亦圭璋此會恐難久此歡不可忘

東府雨中別子由

蘇

軾

庭下梧桐樹三年三見汝前年適汝陰見汝鳴秋雨去
年秋雨時我自廣陵歸今年中山去白首歸無期客去
莫歎息主人亦是客對床定悠悠夜雨空蕭瑟起折梧
桐枝贈汝千里行歸來知健否莫忘此時情

過高郵寄孫君早

蘇

軾

過淮風氣清一洗塵埃客水木漸幽茂菰蒲雜游龍可
憐夜合花青枝散紅茸美人游不歸一笑當誰供故園
在何處已偃手種松我行忽失路歸夢山千重聞君有
負郭二頃收橫從卷野畢秋穫殷牀間夜春樂哉何所
憂社酒粥面醲官游豈不好毋令到千鍾

次韻定慧欽老見寄

蘇

軾

閑居蓄百毒救此跛與盲依山作陶穴掩此暴骨橫區

區效一漑豈能濟含生力惡不已出時哉非汝爭

江月五首

蘇軾

嶺南氣候不常吾嘗云菊花開時乃重陽涼天佳月即中秋不須以日月為斷也今歲九月殘暑方退既望之後月出愈遲然余嘗夜起登合江樓或與客遊豐湖入栖禪寺扣羅浮道院登逍遙堂速曉乃歸桂子美云四更山吐月殘夜水明樓此殆古今絕唱也因甚可作五首仍以殘夜水明樓為韻

一更山吐月王塔卧微瀾正似西湖上湧金門外看冰輪橫海闊香霧入樓寒停鞭且莫上照我一杯殘
二更山吐月幽人方獨夜可憐人與月夜夜江樓下風枝久未停露草不可藉歸來掩關卧即即蟲夜話
三更山吐月栖鳥亦驚起起尋夢中游清絕正如此驅雲掃衆宿俯仰迷空水幸可飲我牛不須違洗耳

四更山吐月皎皎為誰明幽人赴我約坐待玉繩橫野橋多斷板山寺有微行今夕定何夕夢中游化城
五更山吐月窻迥室幽幽玉鈎還掛戶江練却明樓星河澹欲曉鼓角冷知秋不眠翻五詠清切變蠻謳

遷居之夕聞鄰舍兒誦書欣然作

蘇軾

幽居亂蛙鼃生理半人禽竟然已可喜况聞弦誦音兒聲自圓美誰家兩青衿且欣習齊咻未敢笑越吟九齡起詔石姜子家日南吾道無南北安知不生今海闊尚掛斗天高欲橫參荆榛短墻缺灯火破屋深引書與相和置酒仍獨斟可以侑我醉琅然如玉琴

次韻子由所居

蘇軾

幽居有古意義并分西墻誰言三伏熱止須一杯涼先

生坐忍渴羣賢皆披猖衆散徐酌飲逡巡味尤長

和陶淵明飲酒

蘇軾

道喪士失已出語輒不情江左風流人醉中亦求名淵明獨清真談笑得此生身如受風竹掩舟衆葉驚俯仰各有態得酒詩自成

和陶淵明愁詩楚調示龐主簿及邵治中蘇軾

當歡有餘樂在戚亦頽然淵明得此理安處固有年嗟我與先生所賦良可偏人間少宜適惟有歸耘田我昔隨軒冕臺聲真市廛歸來卧重茵憂愧自不眠如今破茅屋一夕或三遷風雨睡不知黃葉滿枕前寧當出怨句慘慘如孤煙但恨不早悟猶推淵明賢

和陶淵明雜詩

蘇軾

真人有妙觀俗子多妄量區區勸粒食此豈知子房我非徒跣相終老懷未央兔死縛淮陰狗功指平陽哀哉亦可羞世路皆羊腸

和陶淵明庚戌歲九月中於西田獲早稻蘇軾

蓬頭二獠奴誰謂原且端晨興洒掃罷飽食不自安願此治圃畦少資主游觀晝功不自覺夜氣乃潛還早韭欲爭春晚菘先破寒人間無正味美好出艱難早知農圃樂豈有非意干尚恨不持鋤未免驛我顏此心苟未降何適不問關休去復歇去食菜何所歎

和淵明始作鎮軍參軍經曲阿蘇軾

虞人非其招欲往畏簡書穆生責醴酒先見我不如江左古弱國強臣擅天衢淵明墮詩酒遂與功名踈我生值良時朱金義當紆天命適如此幸收廢棄餘猶有愧此翁六名難久居不思犧牛龜兼取熊掌魚北郊有大

賈南冠解囚拘眷言羅浮下白鶴返故廬

和陶淵明詠三良

蘇軾

此生太山重忽作鴻毛遺三子死一言所死良已微賢哉晏平仲事君不以私我豈大馬哉從君求蓋惟殺身固有道大節要不虧君為社稷死我則同其歸顧命有治亂臣子得從違魏顆真孝愛三良安足希仕官豈不榮有時纏憂悲所以靖節翁服此黔婁衣

和陶淵明貧士

蘇軾

夷齊耻周粟高歌誦虞軒產祿彼何人能致綺與園古來避世士死死或餘煙末路益可羞朱墨手自研淵明初亦仕絃歌本誠言不樂乃徑歸視世差獨賢

夏書

章望之

一日常百刻轉若車輪忙千日十萬刻百年能幾長達

者齊古今一生甚微茫夏日豈為永而足以較量人世不足惜行善乃自彰無及間暇時般樂為淫荒夷齊餓人者顏閔非公王其人品孰亞周氏與虞唐亦用仁義積豈今身未亡富貴無可恃莫與公道強夜思晝以力四序皆流光示君夏書誦惕惕其自傷

宿簡寂觀

袁陔

名山崇秘祠終夜得清賞真氣溢空浮流泉隨砌響林巒片月散殿閣高風行天際斗杓直庭中盤石橫御靜潮斜逸人今向之故嶺不改秀白鶴唳松梢青燈覩巖竇恍追汗漫駕深悟道遙言四顧羣動寂冥心歸灝元

再遊雲居

登山有三路去冬自防潭日西莊而取姚田莊路在莊一未行

風吹嶺頭樹似欲招行客綠雲過絕頂復見紫霄宅平觀三百里下視八千尺隼擊九秋嚴鵬展萬里翮五老

鎮相望西岫天與敵可笑培塿羣亦自矜寸碧氛埃卷
宇宙鴈鷺下川澤既諧惠智心若踞聖賢域危亭據中
峯回抱竦天壁沈沈古帝坐左右列夔稷舉頭河漢通
直欲攀南極合奏天地籟兩耳清歷歷吁嗟萬類微胡
爲競朝夕安知太清上我方適所適尚思西嶽路去冬
躡雙屐高興挹洪厓大句鼓天力到今巖壑間浩浩起
金石安得少陵翁物外講新格重來羈韉在欲隱世累
迫多謝受命松長存歲寒色

覆驗餘姚道中

王存

一夫死非命滌驗更兩吏一囚坐法誅三覆復與衆棄去
年交趾敗殺戮無賤貴江淮屢歲青積殍溝壑穢聖人
於赤子愛重若彼至謹小以遺大誰其原帝意

雜興二首

鮮于侁

幽居觀物變天道固虛盈炎取日方熾微陰一已生涼
風動野草桃李先飄零蝴蝶集高柳絡緯響庭愁心
獨耿耿霄夢竟難成
一氣斡元造爲功未嘗煩羣生自變化天地亦何言鳥
脛不可增楮葉不可鐫欲益固爲損勞心非自然不見
平陽侯醇酒聊終年
三王貴養老取重在乞言酒醴副佳肴黃髮斯儲然朝
廷本忠厚風俗亦變遷豈意漢道微待中惟少年耆舊
無備問李公所以難更豈非來昔來歟
新堂夜坐月色皎然由連理厚信步庭中徘徊
秋風動微涼天雨新霽後閉齋獨隱几明月在高柳振
衣步庭下顯氣入襟袖天空雲漢明隱約辨列宿蒼蒼

以之因爲五言一首而祭去

鮮于侁

松檜上零露霏欲流
鞋脫葉滿閑園繁華迨衰朽清宵
望蟾彩宜付一杯酒
多病緝樽壘城頭轉寒漏

海州觀放鵲搏兔不中而飛去 沈 存中

秋霜濯空林暮日在峯頂
冥冥起長風稍稍絕遺影
驍禽值猛搏俯取不待頃
豈非求者乖矯翻成遠
騁未能謝榛莽那用遽
悻悻此心竟可憐得失未宜病

觀餘姚海氛 謝 景初

海上風與雨未朕先氣升
澤鹵雜山雲翁鬱鬱相薰蒸
交語面已障安辨丘與陵
衣濡帶革緩臭腥殊可憎
自非昌其陽疾瘍得以乘
君子却陰邪何必醫師能

餘姚董役海隄有作 謝 景初

五行交相陵海水不潤下
處處壞堤防白浪大於馬
額予爲其長恐懼敢暫捨
董衆完築塞政復率曠野
使人

安於生茲不羞民社調和陰與陽自有任責者

法喜堂 謝 景初

虛堂庇風雨結繖踪不務壯外飾
無髹髻置物况容長開篋藥劑靈
拈綦白黑抗階花澹亦天庭石碧
交向出門鳥雀喧燕處物我喪吳俗
夸有素佛徒侈相尚獨能守質靜
坐以矯流宕棲之果自喜何須山海上

村居 文 與可

日影滿松窓雲開雨初止
晴林梨栗熟曉巷兒童喜
牛羊深澗下鳧鴈寒塘裏
田父酒新成餅甕饋隣里

新晴山月 文 與可

高松漏疎月落影如畫
地徘徊愛其下夜久不能寐
怯風池荷卷病雨山果墜
誰伴予苦吟滿林啼絡緯

篤疾梧軒 文 與可

和張文潛贈晁無咎二首

留王郎

和孔常父雪

次韻荅邢^厚夫

題竹石牧牛

贈秦少儀

謝公定和二范秋懷

宿舊彭澤懷陶令

題宛陵張待舉曲肱亭

和邢^厚夫秋懷

次謝與迪所作竹

次韻楊明叔見餞十首

拜劉凝之畫像

周知車跋子瞻和陶詩

次徐仲車因婁行父見寄之詩

遊蔣彥回玉芝園

就食

古興

淮陽

別三子

示三子

田家

送蘇公知杭州

送李奉議亳州判官

觀充文忠公家六一堂圖書

黃庭堅

黃庭堅

黃庭堅

黃庭堅

黃庭堅

黃庭堅

黃庭堅

黃庭堅

黃庭堅

黃庭堅

黃庭堅

黃庭堅

黃庭堅

黃庭堅

黃庭堅

黃庭堅

彭汝礪

揚蟠

沈平遼

徐積

陳師道

陳師道

陳師道

陳師道

陳師道

陳師道

次韻蒼昆無數

陳師道

買炭

蘇轍

苦寒搜病骨，絲續莫能禦。折薪燎枯竹，勃鬱煙元宇。西
山古松檜，林大招斤斧。根槎委溪谷，龍伏熊虎踞。挑抉
靡遺餘，陶穴付一炬。積火變深鑿，牙角猶忿怒。老翁睡
破氈，正晝出無履。百錢不滿籃，一坐幸至莫。御爐歲增
貢，園直中常度。閭閻不敢售，根節姑付汝。升平百年後，
地力已難富。知夸不知嗇，俛首欲誰訴。百物今盡然，豈
惟一炭故我老。或不及預為子孫懼。

早行

孔文仲

客興謂已旦，出視見落日。瘦馬入荒陂，霜花重如雪。海
風吹萬里，兩耳凍幾脫。歲晏已苦寒，近北尤凜冽。况當
清曉行，朔此原野闊。笠飛帶繞頸，拍強不得結。農家煙
火微，炙手粗可執。豈能迂我留，而就苟且活。仰頭視四
宇，夜氣亦漸豁。苦心待正晝，白日想不缺。

逍遙亭

潘興嗣

作亭名逍遙，此理誠不虛。寬於一天下，原憲惟桑樞。况
我卜清曠，風雨庇有餘。方池容潏灑，小徑足縈迂。花木
頗窈窕，松筠亦扶疎。鳴蛙送鼓吹，好鳥來笙竽。可琴亦
可詠，可飲亦可娛。盤雖無下筋，賔食亦有魚。恢論或申
旦，隱几忘移晷。因來展足眠，醉倒從人扶。率爾但付暢，
因煩而領無。鄴侯三萬軸，方朔五車書。棄置復棄置，任
自相賢愚。無妨吾逍遙，此樂誠何如。

師道

潘興嗣

師道久不振，小儒咸自私。破崖求圭角，務出已新奇。側

側去聖遠六經秦火隳不有傳授學涉獵安所為漢儒
守一經學者如雲隨萊習雖未盡摸法有根基薦紳立
朝廷開口應萬機附對皆據經金石確不移孰爛見本
未較然非可欺吾願下學官各立一經師務盡道德業
不取章句辭庶幾昔人風炳然復在茲

過百里大夫冢

黃庭堅

行客抱憂端况復思古人何年一丘土不見石麒麟斷
碑略可讀大夫身霸秦虞公納垂棘將軍西問津安知
五羊皮自粥千金身末俗工媒孽浮言妬道真幸逢孟
軻當不愧微子塊

寄秉夷

黃庭堅

少時誦詩書貫穿數萬字爾來窺陳編記一忘三二光
陰如可玩老境翻手至良醫曾折足說病迺真意

和子瞻蔡字韻二首

黃庭堅

公材如洪河灌注天下半風日未嘗櫻晝夜聖所歎名
世二十年窮無歌舞玩入宮又見妬徒友飛鳥散一飽
事難諧五車書作伴風雨暗樓臺雞鳴自昏旦雖非錦
繡贈欲報青玉按文似離騷經詩窺關雎亂賤生恨晚
學曾未奉巾盥昨蒙雙鯉魚遠託鄭人緩風義薄秋天
神明還舊貫更磨薦襦墨推挽起疲懦忽忽未嗣音微
陽歸候炭仁風從東來拭目望齋館鳥声日日春柳色
弄晴暖漫有酒盈樽何因見此粲

元龍湖海士毀譽各相半下床卧許君上床自永歎文
夫屬有念人物非所玩坐令結歡客化為煙霧散武功
有大略亦復寡朋伴詠歌思見之長夜鳴鶡旦東南望
彭門官道平如按簡書束縛人一水不能乱斯文媿拒

豈可用圭瓚盥誠求活國醫何忍棄和緩開疆日百里
都內錢朽貫銘功甚俊偉迺見儒生懦且當置是事勿
求冰作炭上帝羣玉府道家蓬萊館曲肱夏簟寒炙背
冬屋暖只令文字垂万世星斗粲

寄師載

黃庭堅

齊地穀翔貴排門無粟饋二仲有甘旨奉親亦良勤原
曰水泚泚何時稼如雲無民願曲是歲政自不忘君

過家

黃庭堅

絡緯聲轉急田車寒不運兒時手種柳上與雲雨近舍
傍舊傭保少換老欲盡宰木鬱蒼蒼田園變畦畛昭延
屈父黨勞問走婚親歸來翻作客顧影良自哂一生萍
託水萬事雪侵鬢夜闌風墮霜乾葉落成陣燈花何故
喜大是報書信親年當喜懼兒齒欲毀齒繫船三百里

去夢無一寸

上冢

黃庭堅

自公返蓬蓽稅駕上丘隴霜露此日悲松楸十年拱養
雛數羽毛初不及承奉康州斷腸猿風枝割永痛少年
不如人登仕無前勇髮踈牙齒搖鯨波怒號洵願為保
家子敢議世輕重稱觴太夫人魚菜贍庖供

題王黃州墨蹟後

黃庭堅

掘地與斷木智不如機舂聖人懷餘巧故為万物宗世
有斷泥手或不待郢工往時王黃州謀國極匪躬朝聞
不及夕百壬避其鋒九鼎安盤石一身轉孤蓬浮雲當
日月白髮照秋空諸君發蒙耳汲直與臣同

和張文潛贈晁無咎二首

黃庭堅

龜以靈故焦雉以文故翳本心如日月利欲食之既後

生玩華藻照影終沒世安得八紘置以道備衆智
談經用燕說束棄諸儒傳濫湯雖有罪未泯泐九縣張
侯直理窟堅壁勿與戰難以口舌爭水清石自見

留王郎

黃庭堅

河外吹沙塵江南水無津骨肉常万里寄聲何由頻我
隨簡書來顧影將一身留我左右手奉承白頭親小邦
王事略蟲鳥声無人王生解鞍馬夜語雞喚晨毋慈家
人肥女慧男垂紳有田爲酒事豚韭及秋春生涯得如
此舊學更光新索去何草草少留慰艱勤百年才一炊
六籍經幾秦要知曾中有不與跡同陳郢人懷妙質聊
欲運吾斤

和孔常父雪

黃庭堅

春皇賦上瑞來寧黃屋憂下令走百神大雲庇九丘風
聲將仁氣艷艷生瓦溝寒花舞零亂表裏昭皇州千門
委去璧曉日不肯收元年冬無澤穴處長螟蟲兩宮初
肝食補袞獻食篲有道四夷守無征萬邦休耆年秉國
論涇渭極分流輟耒入班品逸民盡歸周股肱共一體
間不容戈矛人材如金玉同美異剛柔政須衆賢和乃
可踈共投改弦張弊法病十九已瘳王指要不匿蝕非
日月羞桑林請六事河水問九疇天意果然得玄功與
吾謀此物有嘉德占年在麥秋近臣知天喜玉色動冕
旒儒館無它事作詩配崇丘

次韻荅邢

傳夫

黃庭堅

爲山不能山過在一篲止渥洼騏驎兒墮地志千里岷
山初濫觴入楚乃無底將昇聖人堂道固有廉陛邢子
好少年如世有源水方求無津涯不作蛙井喜兒中兀

老蒼趣造甚奇異過閱王公門袖中有漫刺別來阻河
山望遠每障袂斯文向千載有志常寡遂後生文楚楚
照影若孔翠不應太玄草晞價咸陽市西作枕簟秋官
閑省中睡夢不到漢東茗枕乃爲崇聞君肺渴減頗復
佳食寐讀書得新功來鴈寄一字

題竹石牧牛

黃庭堅

野次小崢嶸幽篁相依綠阿童三尺筆御此老叢棘石
吾甚愛之勿遣牛礪角牛礪角尚可牛鬪殘我竹

贈秦少儀觀

黃庭堅

汝南許文林馬磨白衣食但聞郡功曹滿世名籍籍渠
命有顯晦非人作通塞秦氏多英俊少游眉最白頗聞
鴻鴈行筆皆萬人敵吾蚤知有觀而不知有觀少儀袖
詩來剖蚌珠的歷乃能持一鏃與我箭鋒直自吾得此

詩三日卧向壁挽士不能寸推去輒數尺才難不其然
有亦未易識

謝公定和二范秋懷

黃庭堅

西風一葉脫迹已不可掃巷有白馬生朝回焚諫草誰
云事君難是亦父子間所要功補衮不言能犯顏

宿舊彭澤懷陶令

黃庭堅

潛魚願深渺淵明無由逃彭澤當此時沉冥一世豪司
馬寒如灰禮樂卯金刀歲晚以字行更始號元亮淒其
望諸葛翫麟猶漢相時無益州牧指爲用諸將平生本
朝心歲月閱江浪空餘詩語工落筆九天上向來非無
人此友獨可尚屬余剛制酒無用酌杯盞欲招千載
斯文或宜當

題宛陵張待舉曲肱亭

黃庭堅

仲蔚蓬蒿宅宜城詩句中人賢忘巷陋境勝失途窮寒
道書萬卷零亂剛直習偃蹇勲業外嘯歌山水重晨雞
催不起擁被聽松風

和邢惇夫秋懷二首

黃庭堅

王度無畦畛包荒用憑河秦收鄭渠成晉得楚材多用
人當其物不但軸與適六通而四闢玉燭四時和
相如用全趙留侯開有漢名登泰山重功略天下半讓
頗封韓彭事成羣疑泮天道常曲全小智驚後患

次謝與迪所作竹

黃庭堅

吾宗墨脩竹心手不自知天公造化鑪攬取如拾遺風
雪煙霧雨榮悴各一時此時抱明節君又潤色之抽萌
或發右懸筆有隄危林梢一片雨造次以筆追猛吹萬
籟作微涼大音稀霜兔束豪健松煙泛硯肥盤桓未落

筆落筆必中宜今代捧心學取笑如東施或可遺巾幘
選悞如辛毗生枝不應節亂葉無所歸非君一起予衰
疾豈能詩憶君初解鞍新月掛彎眉夜月上金鏡坐歎
光景馳我有好東綃晴明要會期漪漪淇園姿此君有
威儀願作數百竿水石相因依它年風動塵洗我別後
思開圖慰滿眼何時遂臻茲

次韻楊明叔見餞十首

黃庭堅

平津喜牧豕飲飛能斬蛟終藉一汲黯淮南解兵交揚
子有直氣未忍死草茅引之入漢朝誰爲續絃膠
揚君清渭水自流濁涇中今年貧到骨豪氣似元龍男
兒生世間筆端吐長虹何事與秋螢爭光蒲葦叢
事隨出滔滔心欲自得得揚君爲已學度越流輩百坐
捫故衣蟲垢褻春汗黑睥睨紈袴兒可飲三斗墨

清淨草玄學西京有子雲太尉死宗社大鳥泣其墳寂
寥向千載風流被仍昆富貴何足道聖處要策勳
桑輿金石交既別十日兩子輿裹飯來一笑相告語揚
君困筆瓢諸公不能舉儻可從我歸沙頭駐鳴鶻
山園少天日孤鬼能作妖睽閃載一車獵人用鳴梟小
智窘流俗蹇淺不能超安得萬里沙霜晴看射鵰
元之如砥柱大年若霜鷄王揚立本朝舉世作郭郭觀
公有膽氣似可繼前作丈夫存遠大曾次要落落
虛心觀萬物險易極變態皮毛剝落盡唯有真實在侍
中乃珥貂御史即冠豸顧影或可羞短蓑釣寒瀨
松栢生澗壑坐閱草木秋金石在波中仰看萬物流
駢自翫麟伊優自伊優但觀日世後傳者非公侯
老作同安守蹇足信所便習中無水鏡敢當吏部銓恨

此虛名在未晚世糾纏念作白鷗去江南水如天

拜劉凝之畫像

黃庭堅

奔官清穎尾買田落星灣身在菰蒲中名滿天地間誰
能四十年保此清淨退往來澗谷中神光射牛背

跋子瞻和陶詩

黃庭堅

子瞻謫嶺南時宰欲殺之飽喫惠州飯細和淵明詩彭
澤千載人東坡百世士出處雖不同風味乃相似

次徐仲車因妻行父見寄之詩黃庭堅

前朝老諸生大半正丘首投荒萬里歸煩公問健否在
時望江宰今為夏津吏它日可教之玉音尚無棄

遊蔣彥回玉芝園

黃庭堅

春生瀟湘水風鳴澗谷泉過雨花漠漠弄晴絮翩翩名
園上朱閣觀後復觀前借問昔居人岑絕無炊煙人生

須富貴河水清且漣百年共如此安用涕潸潸蔣侯真
好事杖履喜接連車載溪中骨堆排若羞有厭看孔壬
面醜石反成妍感君勸我醉吾亦無間然亂我朱碧眼
空花墜便翻行動須人扶那能金石堅愛君雷式琴湯
湯發朱絃但恨賞音人太平隨逝川平生有詩病如痼
不可痊今當痛自改三疊復三瀟

沐浴有感

彭

汝礪

去垢如去邪不欲留毫分髮不止一沐身不止三熏如
何迷本原浴德不自勤區區養槁棘俯仰愧前聞

就食

楊

蟠

未知田上勞徒厭鼎中味及與農事接方驚食者貴余
生實營求念此豈易致况敢懷寸祿平居但羞愧

古興

沈

遼

我不歎白髮安得新少年往者不失執後來豈能賢世
間亦多士倚伏良有緣寄語夸奪子古人已皆然

濼陽

徐

積

嘗聞唐李氏世號為賢妻以力營七喪或謂難庶幾孰
知蔡家婦其事乃同之豈特在中饋無往而無儀孝於
其所尊慈於其所卑既知義所在能終義所為我生至
此極我嫁逢百罹其屬死略盡其骨俱無歸身為未亡
人心乃真男兒以已任其責無忘須臾時但恐事不濟
安知恤寒飢乃損奉生具而為送亡資面不御膏沐首
不加冠笄金珠鬻於市文繡容何施更無囊中裝唯有
身上衣殆將截其髮幸苟完其肌所得蓋良苦所積從
細微如此十年久猶以為支離日時卜諸良宅北相敬
宜一舉十八喪一旦得所依手自植松樹身亦沾塗泥

何暇裏兩足但知勤四肢居者嘆於室行者泣於岐鳥
亦助叫號人思操壘裡真真長夜竟所獲喜可知鬱鬱
往城中不爲中道尸卒辦其家事少慰而心悲義深海
可涸行堅山可摧孤誠貫白日幽光凌虹霓吾聞古烈
女榮榮非無奇一死盡易處一節亦易持至如張氏者
使人尤歎歎誰爲孝婦傳誰爲黃絹碑亦有淮上翁爲
述睢陽詩移書太史氏無令茲逸遺

別三子

陳

師道

夫婦死同穴父子貧賤離天下寧有此昔聞今見之母
前三子後孰視不得追嗟乎胡不仁使我至於斯有女
初束髮已知生離悲抗我不肯起畏我從此辭大兒學
語言拜揖未勝衣喚爺我欲去此語那可思小兒襁褓
間抱負有母慈汝哭猶在耳我懷人得知

示三子

陳

師道

去遠即相志歸近不可忍兒女已在眼眉目略不省喜
極不得語淚盡方一晒了知不是夢忽忽心未穩

田家

陳

師道

雞鳴人當行犬鳴人當歸秋來公事急出處不待時昨
夜三尺雨竈下已生泥人言田家樂爾苦人得知

送蘇公知杭州

陳

師道

平生羊荆州追送不作遠豈不畏簡書放麈誠不忍一
代不數人百年能幾見昔如馬口銜今爲禁門鉉一雨
五月涼中宵大江滿風帆日力短江空歲年晚

送李奉議亳州判官

陳

師道

祁氏號外府藏室多異書自公有餘力一覽意何如爲
學雖日益受益不受誣正須高着眼濛濛有游魚

觀充文忠公家六一堂圖書

陳

師道

生世何用早我已後此翁頗識門下士略已聞其風中
 年見二子已復歲一終呼我過其廬所得非所蒙
 朝羣王殿冠佩環羣公神文喚王度喜色見天容
 御榻誰復登帝書元自工黃絹兩大字一覽涕無從
 似欲託其子天意人與同歷數况有歸敢有貪天功集
 古一千卷明明並羣雄誰為第一手未有百世公廟器
 刻科斗寶樽播華蟲緬懷弁服士酬獻鳴唳瑤挿架一
 萬軸遺子以固窮素琴文絕絃棊酒頗闕供向來一辦
 香敬為曾南豐世雖嫡孫行名在惡子中斯人其已遠
 千歲幸一逢吾老不可待草露路濕寒蛩鳴

咸平讀書堂

陳師道

昔人三百篇善世已有餘後生守章句不足供躡嚙一

登吏部選筆硯隨掃除閉閣書眉嫵隔屋聞歌呼奉公
 用漢律寧復要詩書俛首出跨下枉此七尺軀今代陶
 朱公不作大梁屠計然特未用意得輕全吳為邦得畿
 縣政密自計踈寧書下下考不奉急急符用意簿領外
 築室課典謨平生五千卷還舍不問途舊事更漢唐稍
 以詩自娛復作無事飲醉卧擁青奴桃李春事繁軒窓
 書景舒鳴屋鳩喚雨窺簷燕哺鷄休吏散篇秩脩篁獻
 笙竽听然一啓齒斯民免為魚

次韻答晁無斁

陳

師道

女生願有家名妾以不聘田里亦慕君又惡不由正欲
 行不問塗已破寧顧甌耕蠶無一厘庖井要三徑還家
 憂患餘挽須兒女競十年寧有此一寒可無命平生晁
 夫子得士公室慶稍無車馬音復作賓客請論文到韓

海康書事五首

秦觀

孤憤吟二首

張商英

接花

陳瓘

文選樓

李薦

寄陳履常

邢居實

雨後出城馬上作

邢居實

述懷

任伯雨

春風

洪朋

初行山

晁詠之

王立之大裘軒

謝逸

閨恨

謝逸

醉醺依栢引夢上冒其顛

崔鷗

江月圖

崔鷗

雨餘

鮑欽止

寄友人

張繹

秋日書懷

毛滂

次韻毛達可給事秋懷念歸

倪濤

贈趙叔之

林敏功

送趙叔問奉議歸南都

方元修

張牧之竹溪

林敏修

山行

曹緯

燭蛾

賀鑄

寄楊道孚

張耒

士師我自出爽邁凌清秋年少不飲酒昏燈夜問囚君
家外大父聽獄代其憂備飢朝煮飯驅蚊夜張罇獄成
上府時稽顙呼張侯怒心臨縲紲相盜以戈矛無令帝

死厲請帝號重幽

旦起

張 未

漫漫東牖白開帷納晨光欠伸推夜枕扣齒被朝裳瓦
盜汲石泉漱甘齒頰涼維茲孟夏初宿雨清高堂栖鳥
起且啁露鷺鳴更藏悠悠晚花初落落古柳蒼西舍初
鳴春東隣出求糧客馬已別櫪商車欲踰岡羲和一揚
輝羣動皆擾攘有生無不求誰得偃于牀人生但如此
勤苦亦可傷况我病倦翻飄飄信風翔永懷中林士栖
志煙霞鄉願言寄旅跡栖託以徜徉

夏日雜感

張 未

士而懷其居孔子亦云非賢臣事晉侯夜載使逃齊醜
毒比燕居君子不可懷樂小必害大安近遠之迷野芻
養騏驥當念和鑿馳一飽願即止幾何非犬雞高賢意

有在汲汲不敢違安能守槽榼長伴兒曹嬉

春日雜書

張 未

昨日為雨備今晨天乃風障風謹自保通夕雪迷空備
一常夫計盡備力不供因之置不為拱手受禍凶當為
不可懷任彼萬變攻築室如金石何勞計春冬此道簡
且安古來家國同

感遇

張 未

讓侯擅關中頗畏諸侯客搜車計已遲終困范公策庸
夫吝富貴百計私自惜勢移禍敗至智巧竟何益至公
覽英俊苴補乃無隙請看桑林餓亦脫趙子厄

昭陵六馬

張 未

天將刻隋亂帝遣六龍來森然風雲姿颯爽毛骨開騰
馳不及視山立儼莫回長鳴視八表擾擾萬驚駘秦王

龍鳳交魚鳥不足推
霄間大白羽中物如風雷區區數
豎子縛取如提孩手持掃天帚
六合無塵埃艱難濟太業
一一非常才准時六驥足
績與英衛陪功成鏘八鸞
玉輅行天街荒涼昭陵關
右石理蒼苔

玳竹

張

耒

重瞳陟方時二妃蓋老人安肯泣
路傍洒淚留叢筠頗疑葛陂化
點點留斑鱗慎勿脫水去人世多
珠塵

寓陳詩

張

耒

我不知暑退但覺衣汗乾
頗恠庭中天湛然清以寬有
物叫草根啾啾自相喧問知已
新秋大火流金九天工
變寒暑正爾事亦繁靜觀付一
笑吾事寧相關但無筋
力健悠然佳意還喧喧憎鄰里
砧杵乱人眠

糴官粟有感

張

耒

持錢糴官粟日夕擁公門
官價雖不高官倉常苦貧兼
并閉困廩一粒不肯分
伺待官粟空騰價邀吾民坐視
既不可禁之亦紛紜擾擾田畝
中果腹才幾人我欲究
其原宏闊未易陳哀哉天地間
生民常苦辛

賀雨拜表

張

耒

羣雲雨事畢振旅不復陣
掃天無一塵千里還綠潤晨
朝大明賀沙路萬蹄印朝光
泛翠瓦佳氣去人近頗聞
避斧宸侑膳徹龍笱願君愛
物心從此至堯舜

田居

秦

觀

雞號四隣起結束赴中原
戒婦預爲黍呼兒隨掩門
犁鋤帶晨景道路更笑喧
宿潦濯芒屨野芳簪髻根
露霽披宿露春空正鮮繁
辛夷茂橫阜錦雉嬌空園
少壯已雲趨伶俜尚鷓躑
蟹黃經雨潤野馬從風奔
村落次第

集隲陸致寒溫眷言月占好努力競晨昏

海康書事五首

秦觀

白髮坐釣黨南遷海瀕州灌園以餬口身自離蒼頭籬
落秋暑中碧花蔓牽牛誰知把鋤人舊日東陵侯
荔子無幾何黃柑遽如許遷臣不惜日恣意移寒暑層
巢俯雲木信美非吾土草芳自有時鴨鵝何關汝
卜居近流水小巢依嶽岑終日數椽間但聞鳥遺音鑪
香入幽夢海月明孤斟鷓鴣一枝足所恨非故林
培塿無松栢駕言出焉遊讀書與意會却掃可忘憂尺
蠖以時詘其信亦非求得歸良不惡未歸且淹留
海康臘已酉不論冬孟仲殺牛搗祭鼓城郭爲沸動雖
非堯曆頌自我先人用大笑荆楚人嘉平獵雲夢

孤憤吟二首

張商英

平津諛武帝堯舜未爲聰歸來東閣士稱頌比周公勢
利變人心上下交相蒙低顏望眉睫一喜生春風優游
卒茲歲安知朝野空
青青一本桑下可百夫息泠泠一井泉上有千人汲千
里以爲郡百里以爲邑生齒豈不繁教化繫爾力何事
比窻人歎此徒勞職

接花

陳瓘

色紅可使紫葉單可使千花小可使太子少可使繁天
賦有定質我力能使遷自矜接花手可奪造化權衆聞
悉驚詫遣我屢嘆吁用智固巧矣天時可易欤我欲春
採菊我欲冬賞桃汝不能裁接汝巧亦徒勞雨露草必
生雪霜松不死不死有本性必生亦時爾汝之所交易
是亦時所爲時乎不可違何物不隨時

文選樓

李

唐

申轅應楚聘鄒枚適梁苑藩侯喜賓客賢賢易鷹犬黃
綺游漢庭羽翼繒繳遠秦府十八公攀附名益顯昭明
眾才子文囿俾蒐選高齋切浮雲雉堞俯晴巘尚應媿
河間筆削非大典

寄陳履常

邢

居實

十年客京洛衣袂多黃塵所交盡才彥稚子情相親會
合能幾日歡樂何遽央春風東北來飄我西南翔驪駒
已在門白日行且晚停觴不能飲將去更復返把腕持
髭鬚悲啼類兒女人生非鹿豕安得常羣聚朝別河上
梁莫涉關山道匹馬逐非蓬離恨如春草去去日已遠
行行淚橫臆昨日同袍友今朝異鄉客來時城南陌始
見梅花白回首漢江頭黃梅已堪摘杖策登高城極目

迥千里落日下青山但見白雲起遠望豈當歸長歌涕
如雨歸心如明月幽夢過潁汝抱膝長相思故人安可
見忽柱數行書彷彿如對面紛紛輦轂下冠蓋爭馳逐
吹噓多賢豪肯復念幽獨空齋聽夜雨深竹聞子規此
情不可道此心君詎知

尚錄天雨後出城馬上作

邢

居實

既雨天氣佳微雲淡如掃欲尋煙際鍾騎馬河邊草紫
椹飽黃鸝人家夏蚕老田婦踏縑車隔籬語音好嗟我
一何愚讀書浪拓稿不及此中人終年客長道

信史述懷

任

伯雨

元符庚辰歲孟冬十二日任子承大宗碌碌奉朝籍聖
主訪落初聽言勞日吳諫路負有闕求人恐不及誰謂
方遴選邂逅首踈迹詔旨忽中授聞命但夕惕不是憂

不合愛君憂失職既憂亦復喜不是貪祿秩平生慕古
人素願或可再精神倍疏淪激昂登文石青雲開九天
清光親咫尺每見情益交肝膽盡剖析敬承丁寧訓重
許以忠直自喜千載遇奮身逞他恤志欲收主威力先
排巨室切齒憤欽永刻意望嬰稷不數千羊皮豈讓一
狐腋勤勤履霜戒不復慮不密問夜欲自勞百疏意何
益哀哉愛君心不能當衆嫉投湘為獨醒得罪因懷璧
尚賴天德廣閱歲已再謫仇人意未厭窮荒必投斥轉
海僅萬里艱危備經歷有時遭颶風天地如抹漆雪浪
山崩頽轟極飛霹靂扁舟甚枯槔俯仰顛倒立雙檣捲
欲折繩斷水蘼蓆鯨鱷口垂涎噴咤煙雨集萬怪競周
章腥臊助嘘吸生平仗忠信安敢保瞬息寅緣脫魚腹
島嶼稍登陟天氣鬱鬱欲流土色焦成赤草木蒸氛霧亭

午日未出荒徑少人行悉率走虺蜴居民傍溪許橫斜
戶百十矮屋盡棚欄臭穢如圈櫪家家啖菜粥雜米無
十一小魚與細鯪相尚珍鼎食鳥言紛嘲哂卉服分蒙
幕顏色盡黃腫大半抱瘡疾其風貪以淫其俗拙以僻
殆非人間世宜爾大荒閱我生本匹夫賦性自真率雅
有江海志仕官特牽迫一日偶遭際用捨何敢必但思
忠邪分於國繫休戚周廢不恤緯我意何窮極添女倚
門嘯我情第堙鬱嗚呼謀身者所宜念陰騭

春風

洪朋

春風吹桃李欵然滿中園羣動不遑息胡蝶紛飛翻我
亦感茲時步屨遶林間顏色豈不好持久良獨難置酒
休其下聊復罄余歡君看桃與李成蹊亦無言

初行山

晁

詠之

靄靄初蒸雲落落欲墜石山深多晚花照水自紅碧漁
艇入煙小松竹凌煙直西風漾碧波扁舟恣崎側客從
北方來苦遭世俗迫登臨雖夙願山川多未識浩蕩涉
寒流躋攀並蒼壁捫蘿窺鳥道踏逕窮人迹清泉洗塵
心山鳥慣幽客逸興良未已日下千崖赤十載孫承公
好具登山屐

王立之大裘軒

謝逸

小人拙生事三冬卧無帳忍寒東窻底坐待朝曦上徐
徐晨光熙稍稍氣血暢薰然四體和恍若醉春釀此法
祕勿傳不易車百兩君胡得此法開軒亦東向蘇公名
大裘音豈在萬丈但觀名軒心人人如挾纊

閨恨

謝逸

汲井澣我衣伐石固我幄塵埃不被體寂無人迹通洋

洋西江水我車不敢渡風駕豈不早早行畏多露行止
既有義離合亦有時衆人豈無心不如我所之

醪醑依栢引蔓上冒其顛

崔鷗

春風亦已老自厭丹采媚獨留白雪花洒此千尺翠嗟
蛾珠籠冠縹緗冒佛髻幽香勿襲人恐爲真色累但願
保明姿終日奉清對要之萬物夥汗潔自有類

江月圖

崔鷗

真真一葉輕不知水與天獨於顯氣中仰見素璧圓超
然任道士起視清夜闌自拈白玉笛吹此江月寒想當
萬籟息逸響流空煙我從江海來形留意先還何當買
魚蓬追此水墨仙

雨餘

鮑欽止

礎潤雨欲作好風每相先蕭蕭清人簾令我心洒然閑

門倦永憂枕書日昏眠快此風雨餘端如濯飛泉空山
有佳趨草木更幽妍井華養文石香篆橫雲煙俯仰方
丈間勝事亦可憐永懷觸熱子我勞良獨賢

寄友人

張 繹

有客厭事事潔身山之幽寒暑不相貸乃有卒歲憂有
生此有事簡之成贅疣澄江本無浪不如信虛舟六經
力道要無以利心求一朝與理會萬境真天遊伊水正
清冷子行無滯留西風昨夜至送子馳中流落月洒殘
夢已着古崖頭我病強送君是行良難儔異時青門下
誰識東陵侯

秋日書懷

毛 滂

秋日吐微明寒葉墮半碧娟娟竹弄影冉冉香引脉窻
明棊几淨水石涵虛白茶開唾足眼苔上嬾行履屋寒
無燕雀豈獨少賓客顧我警露友佇此遼天翻相對雖
不言孤高比三益邇來世外心漸覺眼界窄兒時喜功
名今念真戲劇平生翻羹手欲爛誰能多豈待二頃田
初無一廛宅第當營糴立努力期百尺頽然寄踈慵坐
看駒過隙韓郎食不足苦心定誰惜那知落葉繁吾食
豈無及舉手謝飛鳥一鼠何勞嚇

次韻毛達可給事秋懷念歸

倪 濤

結茅遠入村破屋水半扉涼葉墮清響曼山轉斜暉微
官卧江漢素心久依依十年天涯秋搖落幾芳菲馬蹄
歲月去蝶夢東南飛平生立壑志有言輒乘遠不如孤
征鴻春風自知歸

贈趙正之

我立苗非不親耕林

敏功

君為稻田官君非力田科我今耕田夫為君奏田歌南

畝茨梁稼東郊煙雨篔田家不作苦柰此歲暮何憫憫
望有年一失成蹉跎立苗非不踈梯稗常苦多小人剥
良善蓬蒿賤嘉禾去惡藉老農芟夷戒駢羅夫君邦之
彥妙年加切瑳治國與治身此道終靡他人心不相遠
如以斧伐柯願君日顯榮吾言期不磨

奉同程致道著作次鮑溶冬成蒼客韻送趙叔

問奉議歸南都方元修

清秋不相借白髮日更多塵埃困煩促原野懷經過聊
當倚滂澗資以生吾禾豈不念離羣驚鵲寧擇窠王孫
別都去澹若依松蘿暫別亦復難唐詩飲無何我行那
爾爾幽遊踰江河賸須作佳句相我滄浪歌

張牧之隱於竹溪不喜與世接客來蔽竹窺之或韻人

佳士則呼船載之或自刺舟與語俗子十反不一見怒

罵相踵弗顧也人或以少漫郎余獨喜與古人意合乃

作竹溪詩

幽間古城陰結屋清溪曲溪流湛回映上有青青竹漫

郎欣得之綠髮詠空谷高風及前脩勝趣隨遠矚惡客

徒擾人立談非我欲麾去寧汝真真意聊自足或言不

當爾往往相誇讚答云豈吾私恐作林泉辱源流別涇

渭臭味同草木肯當百事勝容此一物俗獨餘愁阮輩

蕩獎戒臣僕濁醪澆古骨日沒還秉燭僕忝瓜葛後意

氣頗相屬平生幾兩屐共老三徑菊行年事無定此計

諾已宿徑須買牛衣兒亦荷書鹿從子竹間遊溪魚剝

寒玉

山行 曹緯

日出過山頭日入宿山下我行山亦行隱隱似奔馬朝
昏山送迎山意自傾寫借問征途間誰如此山者

燭蛾

賀鑄

鬼蛾來翩翩慕此堂上燭雨炎竟何功自取焚如酷感
彼萬動微保生在無欲不見青林蟬飲風聊自足

宋文鑑卷第二十二

宋文鑑卷第二十一

詩

七言古詩

禁直

楊億

滄浪亭

歐陽脩

希真堂東手種菊花十月始開

歐陽脩

哭梅聖俞

歐陽脩

和賈相公覽杜工部北征篇

宋祁

白鷓圖

梅堯臣

送葛都官南歸

梅堯臣

和吳冲卿元會

梅堯臣

諭學

孫復

漁翁

朱雲

道傍田家

虎圖

張良

寄贈胡先生

贈陳景回

和漢之深秋月夜書事

兩

有竇復者世居鎮戎能道邊事

大孤山

通判國博命賦假山

與子由別於鄭州西門之外馬上賦詩一篇寄

之

送安(敦)秀才失解西歸

送劉道原歸觀南康

和錢安道寄惠建茶

韓幹馬十四四

贈寫御容妙善師

定惠院寓居月夜偶出

豆粥

答西掖諸公見和主翰

號國夫人夜游圖

郭熙畫秋山平遠

任氏閣世堂前大檜

劉敞

劉敞

司馬光

王安石

王安石

王安石

蘇洵

狄遵度

狄遵度

玉陶

黃庶

陳襄

蘇軾

蘇軾

蘇軾

蘇軾

蘇軾

蘇軾

蘇軾

蘇軾

蘇軾

蘇軾

蘇軾

蘇軾

韓信二首

黃

庭堅

杜子美浣花醉歸圖

黃

庭堅

送范德孺知慶州

黃

庭堅

送謝公定作竟陵主簿

黃

庭堅

過東平侯趙景珍墓

黃

庭堅

武昌松風閣

黃

庭堅

書磨崖碑後

黃

庭堅

滄州亭懷古

沈

遼

寒夜

張

未

謁客

張

未

有感

張

未

北鄰賣瓶兒

張

未

奉先寺

張

未

美哉

張

未

紫騮馬

許

彦國

墨染絲

郭

祥正

浯溪

潘

大臨

豫章別李元中宣德

謝

逸

聞徐師川自京師還豫章

謝

逸

早春偶題

崔

鷗

阻風雨封家市

李

彭

夢訪友生

李

彭

禁直

楊

億

鳳樓鴛瓦蟾波濕衆籟聲沉百蟲蟄仙盤雲表露成霜
何人夜半牛衣泣芝泥香熟封詔書河漢西傾移斗車

陰風撼撼起庭樹寒澌戛戛鳴宮渠千廬送唱傳宵警
海山鰲背蓬壺頂金釭珠網結綺錢玉井銀床垂素綆
前席受釐詢碩生觀書百斤須中程投籤乍應嚴彭節
求衣誤聽蒼蠅聲渴烏漏盡繁星曙魚鑰建章開萬戶
初日瞳矓豔屋梁鳴鞭一聲下天路

滄浪亭

歐陽脩

子美寄我滄浪吟邀我共作滄浪篇滄浪有景不可到
使我東望心悠然荒灣野水氣象古高林翠阜相回環
新篁抽笋添夏影老枿亂發爭春妍水禽閒暇事高格
山鳥日夕相啾喧不知此地幾與廢仰視喬木皆蒼煙
堪嗟人迹到不遠雖有來路曾無緣窮奇極恠誰似子
搜索幽隱探神仙初尋一逕入蒙密豁見異境無窮邊
風高月白最宜夜一片瑩淨鋪瓊田清光不辨水與月

但見空碧涵漣清風明月本無價可惜拙賣四萬錢
又疑此境天乞與壯士憔悴天應憐鷓夷古亦有獨往
江湖波濤渺翻天崎嶇世路欲脫去反以身試蛟龍淵
豈如扁舟任飄瓦紅蕖綠浪搖醉眠丈夫身在豈長弃
新詩美酒聊窮年雖然不許俗客到莫惜佳句人間傳
希真堂東手種菊花十月始開

歐陽脩

當春種花唯恐遲我獨種菊君勿謂春枝滿園爛張錦
風雨須臾落顛倒看多易厭情不專闕紫誇紅隨俗好
豁然高秋天地肅百物衰陵誰暇弔君看金葉正芬敷
曉日浮霜相照耀煌煌正色秀可殫藹藹清香葉愈峭
高人避喧守幽獨淑女靜容羞窈窕方當搖落看轉佳
慰我寂寥何以報時携一罇相就飲如得貧交論父要
我從多難壯心衰迹與出人味靜疎種花不種兒女花

老大安能逐年少

哭梅聖俞

歐陽修

昔逢詩老伊水頭青衫白馬渡沿流難聲入節響石樓
坐中辭氣凌清秋一飲百盞不言休酒酣思逸語更適
河南丞相稱賢侯後車日載於與鄒我年最少力方優
明珠白璧相報投詩成希深擁鼻謳師魯卷舌藏戈矛
三十年間如轉眸屈指十九歸山丘凋零所餘身百憂
晚登玉墀侍珠旒詩老蒸鹽太學愁乖離會合謂無由
此會天幸非人謀領鬚已白齒根浮子年加我孰則不
歡猶可強開屢偷不覺歲月成淹留文章落筆動九州
金甌過千無饋留良時易失不早收箠積瓦礫遺琳瓊
薦賢轉石古所尤此事有職非吾羞命也難知理莫求
名聲赫赫掩諸幽翩然素旄歸一舟送子有淚流如瀉

和賈相公覽杜工部北征篇

宋

祁

唐家六葉太平罷宮艷醉骨恬無憂孽虜詬天翠華出
模糊戰血腥九州乾瘡坤疾四海破白日殺氣寒颼颼
少陵背賊走行在採招拾橡填飢喉眼前亂離不忍見
作詩感慚陳大猷北征之篇辭最切讀者心隕如搖斫
莫肯念亂小雅怨自然流涕袁安愁才高位下言不入
憤氣鬱屈蟠長虬今日奔亡匪天作向來顛倒皆廟謀
忠骸倭骨相撐拄一燎同燼悲崑丘相君覽古慨前事
追美子美真詩流前王不見後王見願以此語詒千秋

白鷓圖

得黃荃事於景仁

梅

堯臣

雙睛射空眼角聳筋瓜入節韞條垂翅排霜刀毛綴甲
雪色愁突秋雲披當時始得不知價朝發海東文九疑
世為奇俊玩不足奪質移神歸畫師而今推向深堂上

燕雀屏絕寧來窺畫師黃荃出西蜀成都范君能具知
范云荃筆不取次自養鷹鷄觀所宜毳毛植立各有態
劉竒別怪乃肯為尋常飼鷹多捕鼠捕鼠往往駘其兒
其兒長大好飛走其孫賣鼠送人哀范君語此亦有味
欲戒近習無他移

送葛都官南歸

梅

堯臣

不羨新為赤縣尹惟羨暫向江南歸江南暮暮梅雨時
風帆差差並鳥飛曾竿夾岸長若挽水籠畜魚鮮且肥
家在千山古溪止先應喜鵲噪門扉

和吳冲卿元會

梅

堯臣

下官車馬閶闔來畫漏始上閶闔開我我左右昇龍進
昨夜雪飛雲作堆殿前冠劍魚鱗立東風入仗旗脚迴
黃鍾一奏寶扇掩玳簾卷起香霧排鳴梢未盡霹靂響

翠輦已浪黃金階聖人端冕御法座大樂旅作聲和諧
羣公扑蹈丹墀下尚書奏瑞四夷懷乘輿却入更衣閣
通天絳袍陞玉榻百拜稱觴萬歲聞兩廊賜食簪裾匝
曲傳太定舞綴疎波旋煙斂飭宮車衛官解嚴多士退
日光停午氣象舒吳君才筆天下傑歸來作詩傳石渠
石渠秘邃無凡愚石渠酬唱皆嚴徐我慙短學復在後
收餘撥棄聊以書

諭學

孫

復

冥觀天地何云為茫茫萬物爭蕃滋羽毛鱗介各異趣
披攘攫搏紛相隨人亦其間一物爾餓食渴飲無休時
苟非道義充其腹何異鳥獸安鬚眉人生在學勤始至
不勤求至無由期孟軻荀况揚雄氏當時未必皆生知
因其鑽仰久不已遂入聖域爭先馳既學便當窮遠大

勿事聲病淫哇辭斯文下衰吁已久勉思駕說扶顛危
擊暗歐聾明大道身與姬孔為藩籬是非豐頓若不學
慎無空使精神疲

漁翁

劉敞

白頭老翁披敗箠求魚終日罩淮波波深水闊望不絕
網目雖繁能幾何大魚鱣鱔入淵底小魚鯽鯢登網裏
手較足跣吁可憐何不為網大如天

朱雲

劉敞

志士不忘棄溝壑勇士不忘喪其元伏鷄搏狸狗襲虎
感激只在精神存漢朝凌替外戚盛五岳振蕩三夜昏
臣彊主弱上不悟廷中唯唯誰能言朱生節義邁金石
面効不避師傅尊願求尚方斬馬劍誅一厲百清其源
天威振怒不我受利刃接頸雷霆奔當前折檻色不變

命在頃刻誰攀援昔時仲尼魯司寇七日行戮端乾坤
嗟哉此生志不就真真石土埋其寃漢家社稷變王氏
張禹虛蒙師保恩卓然先見在物表佞臣販國誰復論
我願乘雲款天閭巫陽掌夢招其魂立朝蹇蹇辨邪正
無復姦諛開幸門

道傍田家

司馬光

田家翁媪俱垂白敗屋蕭條無壯息翁攜鎌索媪攜箕
自向薄田取黍稷靜夜偷舂避債家比明門外已如麻
筋疲力弊不入腹未議縣官租稅促

虎圖

王安石

壯哉非羆亦非羆目光夾鏡當坐隅橫行安尾不畏逐
顧盼欲去仍躊躇卒然一見心為動孰視稍稍磨其鬚
固知畫者巧為此此物安肯來庭除想當繫罽欲盡時

睥睨衆吏如庸奴神閑意定始一掃功與造化論錙銖
悲風颭颭吹黃蘆上有寒雀驚相呼槎才死樹鳴老鳥
向之俛囁如哺鷄山牆野壁黃昏後馮婦遙看亦下車

張良

王

安石

留侯美好如婦人五世相韓韓入秦傾家爲主合壯士
博浪沙中擊秦帝脫身下邳世不知舉國大索何能爲
素書一卷天與之穀城黃石非吾師固陵解鞍聊出口
捕取項羽如嬰兒從來四皓招不得爲我立棄商山芝
洛陽賈誼才能薄擾擾空令絳灌疑

寄贈胡先生

王

安石

孔子孟去世遠矣信其聖且賢者質諸書焉耳翼之先生
與予並時非若孔孟之遠也聞薦紳先生所稱述又詳
於書不待見而後知其人也歎慕之不足故作是詩

先生天下豪傑魁曾臆廣博天所開文章事業望孔孟
不復睥睨蔡與崔十年留滯東南州飽足藜藿安蒿萊
獨鳴道德驚此民民之聞者源源來高冠大帶滿門下
奮如百蟄乘雲雷惡人沮伏善者起昔時跨跼今騫回
先生不試乃能爾誠令得志如何哉吾願聖帝營太平
補葺廊廟扶頽頽披梳發纊廣耳目照徹山谷多遺材
先取先生作梁柱以次構架楠與檉羣臣南向帝深拱
戴仰堂陞方崔嵬

丙申歲余在京師鄉人陳景回自南來弃其官
得太子中允景回舊有地在蔡今將治園圃於
其間以自老余嘗有意於嵩山之下洛水之上
買地築室以爲休息之館而未果今景回欲詩
遂道此意景回志余言異日可以知余之非戲

云爾

蘇

洵

岷山之陽土如腴江水清滑多鯉魚古人居之富者衆
我獨厭倦思移居平川如手山水慮恐我後世鄙且愚
經行天下愛嵩岳遂欲買地安妻孥晴原漫漫望不盡
山色照野光如濡民生舒緩無天扎衣冠堂堂偉文夫
吾今隱居未有所更後十載不可無聞君猷蜀樂上蔡
占地百頃無邊隅草深野闊足狐兔水種陸收身不劬
誰知李斯顧秦寵不獲牽犬追黃狐今君南去已足老
行看嵩少當吾廬

和漢之深秋月夜書事

狄 遵度

洞庭葉下涼颼颼凍天頑白凝不流圓月擬缺不忍缺
輕露欲浮終未浮憶吹朱籟鳳輶上更採紫芝雲嶠陬
玉樓天半幾千尺珠樹玲瓏懸上頭

雨

狄 遵度

高林風怒雨聲黑小閣燈背人語闌誰知雲外月高照
定是葉間鶯最寒時覺急飄愁未已似聞徐滴喜初翻
驪駒北首榆關路天晴煙樹沙磧寬

有竇復者出居鎮戎能道邊事

王 陶

君不見見鎮戎德順弓箭手耕種官田自防守相團置堡
禦蕃軍下視賊庭殊不有殺羊取骨燃艾灸試卜賊兵
知入寇都校招呼入堡居堡外重圍百里餘墻伍城小
不難破賊箭如棚城上過堡中不及數十人且闔且罵
且欣欣登陴斫門謂平取應弦死傷已無數窻間走箭
射酋豪一箭已聞哭聲舉爭將錦囊裏賊尸鳴金收衆
唯恐遲不唯城堡依然固吾衆不傷毫與釐自從干戈

動四鄙覆軍殺將曾無恥朝廷未省遺邊功何事此勲
不聞紀安得天兵百萬衆盡如此輩堅且勇

大孤山

黃庶

彭蠡百年南國襟萬頃蒼煙插孤岑不知天星何時落
春秋不書不可尋石怪木老鬼所附茲乃與水司浮沉
鳴鶴大藤樹下廟祭血不乾年世深舳艫千里不敢越
割牲灑酒來獻斟我行不忍隨人後許國肝膽神所歆
落帆夜宿白鳥岸睥睨百繞寒藤陰銀山大浪獨夫險
比干一片崔嵬心官遊遠去父母國心病若有山水淫
江南盡工今誰在拂拭東絹傾千金

通判國博命賦假山

陳襄

去年水潦百穀死居民無食食糟糶州之餓者數千人
黃巖之民猶倍蓰携持老少出城郭盡徹墻屋無居止

鬻妻棄子人不售價例不復論羊豕白日市井聞號叫
夜堆廊廡如虫豸縣官哀憐發賑救一飯纔得一盂爾
出門未暇充喉咽已有數十填溝水我時過之不忍顧
往往悲咽曾填委豈無智慮禪萬一遠地不得號君耳
錢侯作倅忠且仁慈憐餓殍如親子日開官廩與之食
又令豪右發儲峙昨日馳書白轉運披陳肝腎獻金矢
更乞兵儲二萬斛民之大命方有倚侯從新年作假山
自聞民飢不得視非無泉石可盤樂人今方瘁向能喜
願侯勿遽愛此山念此臆臚存狐蟻天無疫癘五穀熟
生者保聚歸田里此山之石堅不堅將與侯德無窮已
與子由別於鄭州西門之外焉上賦詩一篇寄
之

蘇軾

蘇軾

不飲胡爲醉兀兀此心已遂歸鞍發歸人猶自念庭幃

今我何以慰寂寞登高回首坡隴隔惟見烏帽出復沒
苦寒念爾衣裳薄獨騎瘦馬踏殘月路人行歌居人樂
僮僕恠我苦悽惻亦知人生要有別但恐歲月去飄忽
寒燈相對記疇昔夜雨何時聽蕭瑟君知此意不可忘
慎勿苦愛高官職嘗有詔兩對床

送安敦秀才失解西歸

蘇軾

舊有不厭百回讀熟讀深思子自知他年名官恐不免
今日栖遲那可追我昔家居斷還往著書不復窺園葵
謁來東遊慕人爵棄去舊學從兒嬉狂謀謬筭百不遂
惟有霜鬢未如期故山松柏皆手種行且拱矣歸何時
萬事早知皆有命十年浪走寧非癡與君未可較得失
臨別唯有長嗟咨

送劉道原歸覲南康

蘇軾

晏嬰不滿六尺長高節萬仞陵首陽青衫白髮不自歎
富貴在天那得忙十年閉戶樂幽獨百金購書收散亡
謁來東觀弄丹墨聊借舊史誅姦強孔融不肯下曹操
汲黯本自輕張湯雖無尺筆與寸刃口吻排擊含風霜
自言靜中閱世俗有似不飲觀酒在衣巾狼籍又屢舞
旁人笑供千場交朋翩翩去略盡惟我與子猶徬徨
世人共棄君獨厚豈敢自愛恐子傷朝來告別驚何速
歸意已逐征鴻翔匡廬先生古君子掛冠兩紀鬢未蒼
定將文度置膝上喜動隣里烹羊君歸為我道姓字
幅巾他日容登堂

和錢安道寄惠建茶

蘇軾

我官于南今幾時嘗盡溪茶與山茗
胸中似記故人面口不能言心自省
為君細說我未暇試評其略差可聽

建溪所產雖不同一天與君子性森然可愛不可慢
骨清肉膩和且正雪花兩脚何足道嚼過始知真味永
縱復苦硬終可錄汲黯少意寬饒猛草茶無顆空有名
高者妖邪次頑犢體輕雖復強浮泛性滯偏工嘔酸冷
其間絕品豈不佳張禹縱賢非骨鯁葵花玉鞞不易致
道路幽嶮隔雲嶺誰知使者來自西開絨磊落收百餅
嗅香嚼味本非別透紙自覺光炯炯牼團鳳友小龍
奴隸日注巨雙井收藏愛惜待佳客不敢包裹鑽權倖
此詩有咏君勿傳空使時人怒生癭

韓幹馬十四匹

蘇軾

二馬並馳攢八蹄二馬宛頸駿尾齊一馬任前雙舉後
一馬却避長鳴嘶老髯奚官騎且顧前身作馬通馬語
後有八匹飲且行微流赴吻若有聲前者既濟出林鶴

後者欲涉鶴俛啄最後一匹馬中龍不嘶不動尾搖風
韓生畫馬真是馬蘇子作詩如見畫世無伯樂亦無韓
此詩此畫誰當看

贈寫御容妙善師

蘇軾

憶昔射策干先皇珠簾翠幃分兩廂紫衣中使下傳
詔跪捧再拜聞天香仰觀眩晃目生暈但見曉色開扶
桑迎陽晚出步就坐絳紗玉斧光照廊野人不識日月
角髣髴尚記重瞳光三年歸來真一夢橋山松檜凌風
霜天容玉色誰敢畫老師古寺畫閉房夢中神授心有
得覺來信手筆已忘幅巾常服儼不動孤臣入門涕自
滂元老俯坐鬢眉古虎臣立侍冠劍長平生慣寫蕭鳳
質肯顧草間猿與獐都人踏破鐵門限黃金白璧空堆
林爾來摹寫亦到我謂是先帝白髮郎不須覽鏡坐

自了明年乞身歸故鄉

定惠院寓居月夜偶出

蘇軾

幽人無事不出門
偶逐東風轉良夜
參差玉宇飛木末
繚繞香煙來月下
江雲有態清自如
竹露無聲浩如瀉
已驚弱柳萬絲垂
尚有殘梅一枝亞
清詩獨吟還自和
白酒已盡誰能借
不辭青春忽忽過
但恐歡意年年謝
自知醉耳愛松風
會向霜林結茆舍
浮浮大甌長炊玉
溜溜小槽如壓蔗
飲中真味老更濃
醉中狂言醒可怕
但當謝客對妻子
倒冠落佩從朝罵

豆粥

蘇軾

君不見呼沱流澌車折軸
公孫倉皇奉豆粥
濕薪破竈自燎衣
飢寒頓解劉文叔
又不見金谷敲水草木春
帳下烹煎皆美人
萍齏豆粥不傳法
出嗟而辨石季倫于

戈未解身如寄
聲色相傳心已醉
身心顛倒自不知
更識人間有真味
豈如江頭千頃雪
色蘆花簷出沒
晨煙孤地確
春杭光似玉
沙旆煮豆軟如酥
我老此身無著處
讀書來問東家住
卧聽雞鳴粥熟時
蓬頭曳履君家去

答西掖諸公見和

蘇軾

雙猊蟠礎龍纏棟
金井辘轳鳴曉甕
小殿垂簾碧玉鉤
大宛立仗朱絲鞚
風馭賓天雲雨隔
孤臣忍淚肝腸痛
羨君意氣風生坐
落筆縱橫盤走水
上樽日日寫黃封
賜茗時時開小鳳
閉門憐我老太玄
給札看君賦雲夢
金奏不知江海眩
木瓜屢費瓊瑤重
豈惟蹇步困追攀
已覺侍史疲犇送
春還官柳腰支活
兩入御溝鱗甲動
惜君妙語發春容
顧我風琴不成弄

號國夫人夜游圖

蘇軾

佳人自鞚玉花驄，翻如驚燕踏飛龍。金鞭爭道寶釵落，何人先入明光宮。宮中羯鼓催花柳，玉奴絃索花奴手。坐中八姨真貴人，走馬來看不動塵。明眸皓齒誰復見，只有丹青餘淚痕。人間俯仰成今古，吳公臺下雷塘路。當時亦笑潘麗華，不知門外韓擒虎。

郭熙畫秋山平遠

路公為

蘇軾

玉堂書掩春日閑，中有郭熙畫春山。鳴鳩乳燕初睡起，白波青嶂非人間。離離短幅開平遠，漠漠疎林寄秋晚。恰似江南送客時，中流回頭望雲巘。伊川佚老鬢如霜，卧看秋山思洛陽。為君紙尾作行草，烟如嵩洛浮秋光。我從公游如一日，不覺青山映黃髮。為畫龍門八節灘，待向伊川買泉石。

任氏閨中堂前大檜

蘇轍

君家大檜長百尺，根如車輪身絃直。壯夫連臂不能抱，孤鶴高飛直上立。狂風動地舞枝幹，大雪翻空洗顏色。人言此檜三百年，未知此是何人植。君家大夫老不遇，一生直氣未嘗屈。沒身不說歸故里，遺愛自知懷舊色。此翁此檜兩相似，相與閱世何終極。汝南山淺無良材，櫟社棟椽聊障日。便令殺身起大厦，亦恐衆材無匹敵。且留枝葉接雲霓，猶得世人長嘆息。

韓信二首

黃庭堅

韓信高才跨一世，劉項存亡翻手耳。終然不肯負沛公，頗似雍容得天意。成臯日夜望救兵，取齊自重身已輕。躡足封王能早悟，豈恨淮陰食千戶。雖知天下有所歸，獨憐身與噲等齊。崩通狂說不可撼，陳稀孺子胡能為。

予嘗賞酒淮陰市韓信廟前栢十圍千年事與浮雲去
想見留侯決是非丈夫出身佐明主用捨行藏要自知
功名邂逅軒天地萬事當觀失意時韓生沈鷲非悍勇
笑出跨下良自重滕公不斬世未知蕭相自追王始用
成安書生自聖賢左仁右義兵在咽萬人背水亦書意
獨駢市井收萬全功成廣武坐東鄉人言將軍真漢將
兔死狗烹姑置之此事已足千年垂君不見丞相商君
用秦國平生趙良頭雪白

杜子美浣花醉歸圖

黃庭堅

拾遺流落錦宮城故人作伊眼爲青碧雞坊西結茅屋
百花潭水濯冠纓故衣未補新衣綻空蟠曾中書萬卷
探道欲度羲皇前論詩未覺國風遠干戈崢嶸暗寓縣
杜陵韋曲無雞犬老妻稚子且眼前弟妹漂零不相見

此公樂易真可人園翁溪友肯卜鄰鄰家有酒邀皆去
得意魚鳥來相親浣花酒舫散車騎野墻無主著桃李
宗文守家宗武扶落日蹇驢馱醉起願聞解兵脫兜鍪
老儒不用千戶侯中原未得平安報醉裏眉攢萬國愁
生銷鋪墻粉墨落平生忠義今寂寞兒呼不蘇驢失脚
猶恐醒來有新作常使詩人拜畫圖煎膠續絃千古無

送范德孺知慶州

黃庭堅

乃翁知國如知兵塞垣草木識威名敵人開戶玩麴女
掩耳不及驚雷霆平生端有活國計百不一試薶九京
阿兄兩持慶州節十年麒麟地上行潭潭大度如卧虎
邊人耕桑長兒女折衝千里雖有餘論道經邦政要渠
妙年出補父兄處公自才力應時須春風於於擁萬夫
幕下諸將思草枯智名勇功不入眼可用折箠答羗胡

送謝公定作竟陵主簿

黃

庭堅

謝公文章如虎豹至今斑斑在兒孫竟陵主簿極多聞
萬事不理專討論澗松無心古須鬣天球不琢中粹温
落筆塵沙百馬奔劇談風霆九河翻胸中快踈無怨恩
當官持廉且不煩吏民欺公亦可忍慎勿驚魚使水渾
漢濱耆舊今誰存駟馬高蓋徒紛紛安知四海君鑿齒
拄笏看度南山雲

出城送客過故人東平侯趙景珍墓

黃

庭堅

朱顏苦留不肯任白髮政爾欺得人嬋娟去作誰家姪
意氣都成一聚塵今日牛羊上丘壑當時近前左右噴
花開鳥啼荆棘裏誰與平章依好春

武昌松風閣

黃

庭堅

依築山閣見平川夜闌箕斗插屋椽我來名之適意然
老松魁梧數百年斧斤所赦今參天風鳴媧皇五十絃
洗耳不須菩薩泉嘉二三子甚好賢力貧買酒醉此筵
夜雨鳴廊到曉懸相看不歸卧僧檀泉松石燥復潺湲
山川光輝爲我妍野僧早飢不能饘曉見寒谿有炊煙
東坡道人已沉泉張侯何時到眼前釣臺驚濤可晝眠
怡亭小篆蛟龍纏安得此身脫拘攣舟載諸友長周旋

書磨崖碑後

黃

庭堅

春風吹船著浯溪扶藜上讀中興碑平生半世看墨本
摩抄石刻髮成絲明皇不作包桑計顛倒四海由祿兒
九廟不守乘輿西萬官已作鳥擇栖撫軍監國太子事
何乃趣取大物爲事有至難天幸爾上皇跼躄還京師
內間張后色可否外間李父頤指揮南內凄凉幾苟活

高將軍去事尤危臣結春秋三二策臣甫杜鵑再拜詩
安知忠臣痛至骨世上但賞瓊瑤詞同行野僧六七輩
亦有文士相追隨斷崖蒼蘚對夕立凍雨為洗前朝悲

滄洲亭懷古

沈遼

瀟水悠悠天際來夾江古木抱山回柵中人物不滿把
日晏市散多蒼苔九疑巉天古雲埋遙想帝子龍車迴
心衰目極何可望九歌寂寂令人哀

縱步湘西

張舜民

今朝不易得天晴閑過江西取意行忽然林外見山色
又向橋邊聞水聲綠竹長松閒泚李天然翠幙圍羅綺
日暮歸舟醉不知晚風吹過湘江水

寒夜

張耒

暗空無星雲抹來色犬吠野人履霜歲云莫矣風落木

夜如何其斗插江屋頭眠雞正寂寂野縣嚴鼓先逢逢
摩挲老面起吹火春色牀頭酒滿缸

謁客

張耒

入門投謁吏翩翩我非欲見禮則然異哉賓主兩無語
客起疾走如避燃我已不恭愧昔賢忍使塗炭朝衣冠
人生暫聚鵝集川春風吹飛何後先

有感

張耒

羣兒鞭笞學官府翁憐兒咎傍笑侮翁出坐曹鞭復呵
賢於羣兒能幾何兒曹相鞭以為戲翁怒鞭人血流地
等為戲劇誰後先我笑謂翁兒更賢

北鄰賣餅兒每五更未旦即繞街呼賣雖大寒
市對東烈風不廢而時略不少差因為作詩且有所警

示稚穉

張耒

城頭月落霜如雪樓頭五更聲欲絕捧盤出戶歌一聲
市樓東西人未行北風吹衣射我餅不憂衣單憂餅冷
業無高卑志當堅男兒有求安得閑

奉先寺

張

耒

荒涼城南奉先寺後官美人官葬此角樓相望高起墳
草間柏下多石人秩卑焚骨不作塚青石浮屠當丘壠
家家墳上作亭亭朱門相向無人聲樹頭土梟作人語
月黑風悲鬼搖樹官中養女作子孫年年犢車來作主
發后陵園官道側家破無人掃陵域官家歲給半年錢
街頭買餅作寒食

美哉

張

耒

美哉洋洋清潁尾西通天邑無千里舸舫大艫起危檣
淮潁耕田倍收米芒芒陂澤帶平原古時溝澗還相連
昔人屯田戍兵處今人阡陌連丘墓今年雨足種麥多
北風吹桑鳴空柯高城回望鬱鬱城隍年間井闡笙歌
河邊古隄多老柳去馬來船一回首百年去任不由人
歲暮天寒聊飲酒

紫騮馬

許

彥國

黃金絡頭玉為轡蜀錦障泥亂雲雜花間顧影驕不行
萬里龍駒空汗血露床秋粟飽不食青藜首宿無顏色
君不見東郊瘦馬百戰場天寒日暮烏啼

墨染絲

郭

祥正

縑絲自喜如霜白輸入官家吏嫌黑手持退印競傳呼
倏見長條染深墨墨絲歸織家人衣別買輪官吏嗔遲
寄言吏狄與三軍汝得豐衣民苦辛

浯溪

潘

大臨

公泛語溪春水船繫帆啼鳥青崖邊次山作頌今幾年
當時治亂春風前明皇聰明真晚謬乾坤付與哥奴手
骨肉何傷九廟焚蜀山騎驢不回首天下寧知再有唐
皇帝紫袍迎上皇神器蒼忙吾敢惜兒不終孝聽五郎
父子幾何不豺虎君臣寧能責胡虜南內淒涼誰得知
人間稱家作端午平生不識顏真卿去年不荅高將軍
老來讀碑泪橫臆公詩與碑當共行不賞邊功寧有許
不殺奉皇猶敢語雨淋日炙字未訛千秋萬歲所鑒多

豫章別李元中宣德

謝

逸

舊聞諸李隱龍眠伯時已老元中少一行作吏各天涯
故人落落疎星曉西山影裏識君面碧照草江眸子瞭
向來問道渺多歧只今領略歸玄妙老鳳垂頭噤不語
古木杳牙噪春鳥身在幕府心江湖左脅右律但坐牖

弟愁一葉釣漁舟不容七尺堂堂表我今歸卧靈谷雲
君應紫禁鶯花繞相思有夢到茅齋細雨青燈坐林杪

聞徐師川自京師還豫章

謝

逸

九衢塵裏無停舟君居陋巷不出遊蒲城惡少弋鳧鴈
對面故人風馬牛別後 寒燈火夜歸來眠冷江湖秋
馮驩老大食不飽起視八荒提崩緜

早春偶題

崔白鵬

寒風浙瀝鳴枯葦小鴨睡殘猶未起更教細雨結輕寒
坐聽蕭蕭打牖紙石盆養蒲已抽翠雕斛栽花先弄紫
擁爐閉閣賦幽香未怕春冰生硯水

阻風雨封家市

李

彭

往時李成寫驟雨萬里古意毫端聚行人深藏鳥不度
便覺非復搗溪素龍眠老院作陽關比風低草雲埋山

行人客子兩愁絕未信蒲萄能解顏
兩郎了了解人意
似是畫我封家市戲作新詩殊晝睡
忽有野鴈鳴煙際
夢訪友生
李彭

少年結客長安城
妄喜縱酒一章程
支離老去一茅屋
枕書卧聞長短更
友生相望止百里
寒夜寥闌無微聲
夢中乘輿輒見戴
剡溪聊爾扁舟行
覺來濛濛一榻上
不用僮僕爭驩迎
吹燈弄筆欲書寄
窻前白月方亭亭

宋文鑑卷第二十一

宋文鑑卷第二十二

詩

五言律詩

中秋月

送枝江秦長官罷秩

送曹緯劉鼎二秀才

夜泊江上

春日登樓懷歸

楚江夜懷

題太湖

受詔修書述懷感事三十韻

至郡累旬惡風

獄多重囚

王

禹偁

鄭

文寶

鄭

文寶

寇

準

寇

準

寇

準

羅

處約

楊

億

楊

億

楊

億

梁縣界好妨蟲生

楚中庭樹

寄楊墳

荅徐本

喜故人至

送人南歸

南兵

上知府寇相公

書友人屋壁

閑居書事

述懷

夏日宿西禪

叙吟

歲暮自相廬歸錢塘晚泊漁浦

銘坐右

酬陳齊民見寄

勘書

江南立春日

秋日旅懷

江行

經戰地

大雪

野水

塞上作

閑居書事

揚

錢

趙

趙

王

王

錢

魏

魏

魏

魏

潘

潘

億

惟

湘

湘

操

操

易

野

野

野

野

閻

閻

潘

張

种

孫

呂

江

江

魯

魯

錢

唐

唐

閻

齊賢

放

僅

夷簡

為

為

為

交

昭度

異

異

瀑布

石

延年

曹太尉西師

石

延年

春

石

延年

赴桐廬郡至淮上遇風

范

仲淹

瀑布

范

仲淹

堯廟

范

仲淹

野色

范

仲淹

八月十四夜月

范

仲淹

題養真亭

韓

琦

有將獨鶴行都市道上者野態憔悴因成短韻

宋

庠

春夕

宋

庠

羣玉殿賜安

歐陽

脩

下直星同行三公

歐陽

脩

東閣雨中

歐陽

脩

秋懷

歐陽

脩

東晉

宋

祁

詠史

宋

祁

遣使視諸公望樹回有感三首

文正王丞相

又靖呂丞相

宣獻宋公

祁

倅居

燕

肅

中秋月

王

禹偁

何處見清輝登樓正午時莫辭終夕看動是隔年期冷

濕流螢草光凝睡鶴枝不禁雞唱曉輕別下天涯

送枝江秦長官罷秩

鄭

文寶

衆論才各外親人似古人官嫌容易達家愛等閑貧解

印詩推在移風澤國春政聲交不得慙見數鄉民

送曹緯劉鼎二秀才

鄭文寶

旦夕春風老離心共黯然小舟聞笛夜微雨養花天手
筆人皆有曹劉世所賢抑侯重才子從此看鶯遷

夜泊江上

寇準

歲暮峽中村維舟古樹根羣峯初落月夜後獨聞猿流
水自無尺客愁那可論平明離楚岸迢遞指吳門

春日登樓懷歸

寇準

高樓聊引望香杏一川平野水無人渡孤舟尽日橫荒
村生斷靄古寺語流鶯舊業遙清渭沉思忽自驚

楚江夜懷

寇準

西風生遠水蕭颯度吟臺明月夜還浦故人秋未來寒
蛩啼暗壁敗葉下蒼苔誰念空江水年年首重回

題太湖

羅處約

三萬六千頃湖侵海內田逢山方得地見月始知天南
國吞將尽東溟勢欲連何當洒為雨無處不豐年

受詔修書述懷感事三十韻

楊億

太極垂裳日中原偃革初樓船秋發詠衡石夜程書好
問虛前席徵賢走傳車蓬萊侔漢制煨燂訪秦餘紬繹
資金匱親模出玉除紛紛開四部祕邃接千廬飲賜雙
雞膳親廻六尺輿華芝下閭闔白羽擁儲胥望氣成龍
虎披文辨魯魚清光無咫尺玄覽亦躊躇羣彥揮鉉筆
微生濫石渠愁康真懶慢謝客本空踈講亭情田壟談
鄙吝祛弥旬容出沐終日喜羣居撫已慙鳴玉歸田憶
荷鋤池籠養魚鳥章服畏猿狙園府愁尸祿天閭愧弊

裾虛名同鄭璞散質類莊樗國士誰知我鄰家或侮予
放懷齊指馬屏息度羲舒寡婦宜憂緯三公亦難踈危
心惟敲穀直道忍蓬蔭往聖容巢許先儒美甯遠晨趨
歎勞止夕惕念歸牧秦痔踈杯酒顏瓢賴斗儲如諧曲
肱卧猶可直釣魚矯矯龜銜印翩翩隼盈旗一麾終遂
志阮籍去騎驢

至郡累旬惡風

楊億

鄧禹功曹器馬周令長才叨臨萬室郡驟致五風災大
木行將拔繁雲黯不開自知蒙闇極民吏竊相咍

獄多重囚

楊億

鐵鑲銀鑄衆金科伏念頻絕聞空獄奏深媿片言入清
頴黃公接黃霸為潁川守八甘棠都伯鄰懷賢不能繼
多辟豈由民

梁縣界好蚊蟲生

處約

方喜雲田布俄聞葉勝生田神何縱雲稼政自非明頴
鳳那充食吳牛已絕耕野黃堂厭梁肉惕爾自心驚

禁中庭樹

錢惟演

紫蘭分陰地丹條擢秀時高枝接温樹密葉覆辛夷夜
影搖光接最英玉露滋乘春好封殖為賦角弓詩

寄楊垠

曾見南

閉門苦自長春恨極天涯落日橫水空城雨過花斷
狂曾避蝶多病更無蛙江上無消息風吹渡柳斜

答徐本

天遠草離離秋霖寄信遲相思逢葉盡獨坐聽蟬悲岳

色寒前見松心雪後知頻招猶未至時復檢清辭

喜故人至

地僻無賓侶柴門晝始開谿山寒葉落江國故人來話
舊驚霜鬢論詩滯酒杯相留喜同宿不寐曙光迴

送人南歸

相送當搖落孤舟泛渺瀰去帆看已遠臨水立多時別
浦寒鴻下空山夜鶴移它年重會面冷鬢共成絲

南兵

曾見南兵苦征遼事一如金瘡寒長肉紙甲雨生蛆山
小壘霜骨河枯隴腐魚黎元無處哭丁戶日相踈

上知府寇相公

魏野

文武稟全才何人更可陪有官居鼎鼐無宅起樓臺聖
主詩方和親王狀始迴鎮臨求二陝調燮輟三公鳳閣
須重去龍旌暫擁來下車三度雨上事數星雷未暇瞻
珪辭先蒙詔草萊幾思趨相府恐懼復徘徊

書友人屋壁

魏野

達人輕祿位居處傍林泉洗硯魚吞墨煮茶鶴避煙閑
唯歌聖代老不恨流年靜想相尋者還應我最偏

閑居書事

魏野

無才動聖君養拙住山村臨事知閑貴澄心竟道尊成
家書滿屋添口鶴生孫仍喜多時雨經春免灌園

述懷

魏野

東郊魏仲先生計只隨緣任瀨自掃地更貧誰怨天有
名閑富貴無事小神仙不竟流光速身將半百年

夏日宿西禪

潘閔

此地絕炎蒸深疑到不能夜涼如有雨院靜若無僧枕
潤連雲石牖明照佛燈浮生多骨賤時日恐難勝

叙吟

潘閔

高吟見太平不恥老無成髮任莖莖百詩須字字清搜
疑滄海竭得恐鬼神驚此外非閑念人間万事輕
歲暮自桐廬歸錢塘晚泊漁浦

潘 閔

父客見華髮孤權桐廬歸新月無朗照落日有餘輝漁
浦風水急龍山煙火微時驚沙上鴈一背南飛

銘坐右

張 齊賢

慎言渾不畏忍事又何妨國法須遵守人非莫舉揚無
私仍克己直道更和光此箇如端的天應降吉祥

酬陳齊民見寄

种 放

竹扉常書掩幽僻置身安自委漁樵分因思出處難周
庭方設燎漢將尚封壇莫問漁樵意人寰事万端

勘書

孫 僅

儒家無外事招客勘青編筆墨東西置朱黃次第研頻
憂傷點蠶細恐誤流傳改易文辭正增加字數全目因
繁處倦心向注中專端坐窮令古披襟見聖賢疲勞時
舉白遊息或談玄得興忘昏旭題名記歲年樓臺思確
論廢卷恨三篇魚魯皆判定誰人敢問然

江南立春日

呂 夷簡

灰律何時應江春昨夜來細風光動柳殘雪不藏梅餘
吟迷清管微和發凍醅閉門無客到樽俎為誰開

秋日旅懷

江 為

迢迢江漢路秋色又堪驚半夜聞鴻鴈多年別弟兄高
風雲影斷微雨菊花明欲寄東歸信徘徊無限情

江行

江 為

越信隔年稀孤舟幾夢歸月寒花露重江晚水煙微岸
直恍相望沙空鳥竝飛何時洞庭上春雨滿蓑衣

經戰地

魯 交

西邊用兵地黯慘無人耕戰士報國死寒草迎春生沙
飛賊風起晝黑陣雲橫未持天下第何以掃撓槍

大雪

魯 交

方象曉一色皓然天地中楚山雲母障漢殿水精宮遠
近梅花信高低柳絮風吟竟清不徹和月上晴空

野水

錢 昭度

野水光如壁澄心不竟勞與天無表裏共月見分毫綠
好磨長劍清宜汎小舸淡交今已矣惆悵越波濤

塞上作

唐 異

防秋人不到万里絕妖氛馬放降來地鷓閑戰後雲月

依孤壘沒燒逐遠荒分未省為邊客霄旂懶欲聞

閑居書事

唐 異

幽居輕宿雨殺齒徧林塘一境無過客千山自夕陽書
禽多獨語夏木有餘涼招隱詩慵寄時清誰肯忘

瀑布

石 延年

飛勢挂岳頂無時向此傾玉虹垂地色銀漢落天聲万
丈寒雲濕千巖暑氣清滄浪不足羨就此濯塵纓

曹太尉西師

石 延年

仁者雖無敵王師尚有征獨乘金廐馬都領鐵林兵蕭
氣関河暮屯煙部落晴旗光秋燒去甲色夜江橫士喜
擊中鼓虜疑聞後鉦無私刃時雨不殺是天聲濯濯前
誰拒堂堂彼自傾寒逾博望塞春燕隗囂城外使戎心
伏旁資帝道平公還如畫像為贊學班生

春風平公... 延年

一氣回元運恩含万物深陰陽造化首天地發生心有
信來還去無私古到今和風激遺暢南轉入薰琴

赴相廬郡至淮上遇風... 仲淹

聖宋非疆楚清淮異汨羅平生仗忠信盡室任風波舟
楫顛危甚蛟龍出沒多斜陽幸無事沽酒聽漁歌

瀑布... 范仲淹

迥與衆流異發源高更孤下山猶直在到海得清無勢
闐蛟龍惡聲吹兩窻麓晚來雲一色詩句自成圖

堯廟... 范仲淹

千古如天日巍巍與善功禹終平洛水舜亦致薰風江
海生靈外乾坤揖讓中鄉人不知此簫鼓謝年豐

野色... 范仲淹

非煙亦非霧暮暮映樓臺白鳥忽點破夕陽還照開肯
隨芳草歇疑逐遠帆來誰會山公意登高醉始迴

八月十四夜月... 范仲淹

光華豈不盛賞宴尚遲遲天意將圓夜人心待滿時已
知千里共猶訝一分虧來夕如澄霽清風不負期

題養真亭... 韓琦

新葺公居北虛亭號養真所期清策慮不是愛精神滿
目林壑趣一心中義身吏民還解否吾豈苟安人
有將獨鶴行都市道上者左右奔迫野態憔悴
因成短韻... 宋...
明心本霄漢此路極喧埃何意鳴臯罷翻同舞市來波
臣憂輟涸海鳥避風災寄語昂昂質非君羽獨摧

暝色蔽孤齋空軒向夕開花低應露下月暗覺雲來燭
牖輕蛾聚風枝倦鳥猜無言聊隱九萬境一靈臺

至治臻無事豐年樂有成圖書開秘府宴飫集羣英論

道皇墳奧貽謨寶訓明九重多暇豫八體極研精筆力

千鈞勁豪端萬象生飛戩金灑落拜賜玉鏘鳴盛際崇
儒學愚臣濫寵榮惟能同舞獸聞樂識和聲

下直呈同行三公

歐陽脩

午漏聲初轉歸鞍路偶同天清黃道日街闊綠槐風萬
國舟車會中天象魏雄戟戈清四海論道屬三公自愧
陪羣彦從來但撰忠時平容竊祿歲晚歎衰翁買地淮
山北垂竿賴水東稻梁雖可恋吾志在冥鴻

東閣雨中

歐陽脩

直閣時偷暇幽懷坐獨哦綠苔人迹少黃葉雨聲多雲
結愁陰重風傳禁漏過瑤圖新嗣聖玉塞久包戈相府
文書簡豐年氣候和還將鳳池句聊雜野人歌

秋懷

歐陽脩

節物豈不好秋懷何黯然西風酒旗市細雨菊花天感
事悲霜鬢包羞食萬錢鹿車終日駕歸去領東田

東晉

宋 祁

倉卒浮江日聲明建號初羣臣讓禁鬱上宰製單練氣
銳開析戰心歡折衺書織兒競撞壞不念好家居

詠史

宋 祁

古有容容福人譏齷齪真生貪巧作奏死戒直如弦欲
重高門地非論媚竈天詩書大儒家絲竹後堂旃東閣
翻芻馬西園竊座錢道謀誰執咎戶選不因賢朱鼓成

妖日卷雛入賀年須防反室詔終取闔門憐異日讒成
錦先時默似蟬空貽後人嘆流涕掩青編

遣吏視諸公瑩樹回有感三首

文正王丞相

宋 祁

兩朝從巨德萬務罄斯猷漢日左右手堯年忠孝侯名
言天下滿故事省中留宸象旌碑首刊文又幾秋野隄
韃其

文靖呂丞相

慶曆公三入虜謀搖太平啖金真間敵撓呼高酒不寒
盟上印情雖切駝破鞬求然髭疾遽輕上剪髭賜公惜
哉天弗憖宸幄淚先橫

宣獻宋公

昔去勸明辟翻翻公俄歸參大鈞公孫未及相諸葛

已傷神名待天淵蔽文爭日月新英魂同五樹不向土

中春

僻居

燕 肅

蓬茅城市遠草徑接魚村白日偶無客青山長對門藥
鑪留火暖花塢帶煙昏靜坐搜新句真心傍酒罇

宋文鑑卷第二十三

詩

五言律詩

泛溪

發夕陵

聞鴈

和謝仲弓廷評栽竹

覽含元殿基因想昔時朝會之盛且感其興廢

五哀詩

驅平

李收

司馬

光

訪徐冲晦

郎

簡

即事

招丁元珍

王

安石

安石

堯臣

堯臣

堯臣

堯臣

舜欽

半山春晚即事

定林

自白土村入此寺

和象之此軒書事

平居

明皇

送趙樞寺丞宰虔化縣

出嶺題石灰鋪

同宋復古游大林寺

冬至

晚涼閑志

重九登石閣

悟人一言

陳公廡園修禊事席上賦

和王正仲熙寧郊祀二十韻

和鄭閑中仙居

和子由初到陳州

過廣愛寺觀朱瑤畫

過淮

乘舟過賈收水閣二首

郊祀慶成

新年二首

倦夜

次韻王晦叔

次韻公定出弼登北都東樓二首

王

安石

王

安石

王

安石

韓

維

王

安國

鄭

灊

陶

弼

陶

弼

周

敦頤

邵

雍

邵

雍

邵

雍

邵

雍

程

顥

劉

攸

陳

襄

蘇

軾

蘇

軾

蘇

軾

蘇

軾

蘇

軾

蘇

軾

蘇

軾

蘇

軾

黃

庭堅

歲寒知松柏

黃庭堅

款塞來享

黃庭堅

神宗皇帝挽詞二首

黃庭堅

次韻崔伯易席上所賦

黃庭堅

司馬文正公挽詞二首

黃庭堅

范忠文公挽詞二首

黃庭堅

和荅錢穆父詠猩猩毛筆

黃庭堅

次韻秦少章晁適道贈荅詩

黃庭堅

和文潛舟中所題

黃庭堅

漢陽親舊携酒追送聊為短句

黃庭堅

次韻廖明略陪吳明府白雲亭宴集

黃庭堅

贈楊明叔

黃庭堅

閑居有感

李宗易

江上逢晁適道

崔子方

荷花

豐稷

寄鄭介夫

畢仲游

春日獨遊南園

楊蟠

聞赦有作

張舜民

曾子固挽詞二首

陳師道

司馬溫公挽詞二首

陳師道

登城樓

陳師道

和王子安至日

陳師道

送吳先生謁惠州蘇副使

陳師道

懷遠

陳師道

張芻令餘杭

孫處

種圃

張耒

近清明

張耒

晨興

張耒

都梁亭下

張耒

舟中曉思

張耒

南澗月夕

俞紫芝

廣武山懷古

劉季孫

春日遊金明池

李昭玘

獨步懷元中

洪朋

宿范氏水閣

洪朋

石牛莊閑居

崔鶻

見黃太史

高荷

題折氏下城園

吳則禮

春日書懷

潘大臨

江上晚步

潘大臨

題呂少馮聽雨堂

李彭

春日有懷

林敏功

泛溪

梅堯臣

中流清且平捨捐任舩行漸近鷺猶立已遙村覺橫何

妨紉擗蕭不畏晚風生屈賈江潭上愁多未適情

發句陵

秋雨密無跡濛濛在一川孤村望漸遠去鳥飛已先向

晚雲漏日微光人倚舡安知偶自適落岸逢沙鵲

聞鴈

濕雲夜不散薄處微有星孤鴈去何急一聲愁更聽心

應失舊侶翅已高青冥幾日江湖上鳧鷖共滿河

和謝仲弓廷評栽竹

梅

堯臣

移得溪邊翠來為庭下陰惜根存舊土帶筍助新林暗
換蕭蕭葉知虛寸寸心東風莫搖撼培壅未應深
覽含元殿基因想昔時朝會之盛且感其興

廢

蘇

舜欽

在昔朝元日千門動地來方隅正無事輔相復多才仗
下簷纓肅天中繳扇開皇威瞻斗極曙色辨崔嵬赤紫
波光卷鳴鞭電尾回熊羆驅禁衛雨露覆蘭臺橫賜傾
中帑窮奢役九垓只知營國用不畏屈民財翠輦還移
幸昊天未悔災羣心尊困獸回首變寒灰曾以安無慮
翻令世所哀行人看碧瓦獨鳥下蒼苔雖念陵為谷遙
知禍有胎青編遺迹在此地亦悠哉

五哀詩

司馬光

孔子惡利口之覆邦家者甚矣讒之為害不可一二數
也聊觀戰國以來楚之屈原趙之李牧漢之晁錯馬援
齊之斛律光皆負不世之才竭忠於上然卒困於讒不
能自脫流亡不得其所而死或者國隨以丘墟此其尤
可大哀者也因即其事作五哀詩且以警後世云

屈平

白玉徒為索幽蘭未謂芳窮羞事令尹疎不忘懷王寃
骨銷美渚忠魂失舊鄉空餘楚辭在猶與日爭光

李牧

推牛饗壯士拔距養哥材虜帳方驚避秦金已闌來旌
旗移莫府荆棘蔓叢臺部曲依稀在猶能話郭開

晁大夫

人主恩猶盛讓夫弄舌端旋聞就斧質不得解衣冠反
虜齒讒冷謀臣心盡寒鬼宗唯類盡漢室泰山安

馬伏波

漢令班南海蠻兵避鬱林天涯柱分界傲外首輸金坐
失姦臣意誰明報國心一棺忠勇骨漂泊瘴煙深

斛律丞相

君臣日荒宴歌舞諱言愁老相猶當國強鄰不敢謀謠
言雖未出姦諂已先流誰察忠臣意通宵抱膝憂

訪徐冲晦

郎簡

湖上訪高士徑深行綠苔應聞山犬吠知是野人來岸
憤出相接柴門自為開林間清話久薄暮榜舟回

即事

王安石

徑暖草如積山晴花更繁縱橫一川水高下數家村靜

揭雞鳴午荒尋犬吠昏歸來向人說疑是武陵源

招丁元珍

王安石

默默不自得紛紛何所為畫墁聊取食獵較久隨時秋
入江湖暗風生草樹悲黃花一抔酒思與故人持

半山春晚即事

王安石

春風取花去酬我以清陰翳翳陂路靜交交園屋深林
敷每小息杖屨或幽尋惟有北山鳥經過遺好音

定林

王安石

漱汀涼病齒坐曠息煩襟因脫水邊屨就敷巖上衾但
留雲對宿仍值月相尋真樂非無寄悲蟲亦好音

自白土村入北寺

王安石

雨過百泉出秋聲連眾山獨尋飛鳥外時度亂流間坐
石偶成歇看雲相與還會須營一畝長此聽潺潺

不野如私象之北軒書事
韓維

舍北多嘉樹垂陰及四鄰清風常滿竹好鳥不驚人圖
史無它物謾吟休此身應容里中客一醉倒冠巾

下居 王 安國

締結散南風平若觸事情古今無適莫義命有違從水
鳥迎秋鴈山花映文春故鄉圖畫見垂老愧塵容

明皇 鄭 獬

四海不搖草九重藏禍根十年傲堯舜一笑破乾坤夷
狄皆冠冕材狼盡子孫潼關兵已破會憶老臣言

送趙樞寺丞宰虔化縣 陶 弼

路入南雲下如何輕解携人煙五嶺北星斗大江西暖
雪梅花樹晴雷鼓石溪青杉欲無淚不奈鷓鴣啼

出嶺題石灰鋪 陶 弼

馬度巖關口生歸喜復嗟天文離卷舌人影背含沙江
勢一兩曲梅梢三四花登高休問路雲下是吾家

同宋復古遊大林寺 周 敦頤

三月山方暖林花互照明路盤層頂上人在半空行水
色雲含白禽聲谷應清天風拂巾袂縹緲覺身輕

冬至 邵 雍

何者謂之幾天根理極微今年初盡處明日未來時此
際易得意其間難下辭人能知此意何事不能知

晚涼閑步 邵 雍

得處亦多矣風前任鬢班年過半百外天與一生閑瑩
靜雲間月分明雨後山中心無所愧對此敢開顏

重九日登石閣 邵 雍

事出一時問時過事莫閑當時深可愛過後不堪看夏

去休言暑冬來始講寒人能知此理憂患自難干

悟人一言

邵雍

百慮謀猶拙一言迷自開世間無大事天下有雄才唯
恐人難得寧憂道未快忘心都去盡何復病塵埃

陳公學園修楔事席上賦

程顥

盛集蘭亭舊風流洛社今坐中無俗客水曲有清音香
篆來還去花枝送復沉未須愁日莫天際是輕陰

和王正仲熙寧郊祀二十韻

劉攽

駁命膺長發鴻圖本慎微八方星拱極四海日分暉舊
典增威秩彌文示表微聖時均玉燭天統正瓊璣南極
迎陽復陰泉候氣歸積高常眷顧昭孝每無違羽衛來
雙闕和鑿並六飛風霆齊命令龍虎會旗旂帳殿層城
暮金波列宿稀嚴更虛夜警彫華下彤闈廣樂千人唱

升煙萬目睇衆神知受記象物競來依陟降兼明察圓
方比範圍送音仍驚萬萬昇福想雲霓霽澤蘇羣動春陽
暢堦扉慶深周揭厲感極至敷教多士參鳴玉微生廁
皇衣南雍瞻帝武奉引近天威儒館鷓鸞舊長謠錦繡
輝因知子雲賦何足頌巍巍

和鄭閔仲仙居

陳襄

我愛仙居好臨民必以誠簿書無日暇獄訟積年生予
始至邑豪有以債負憑析細民田土者迹驗分明予治
而歸之或有年深而丘稽者亦妄詞訟三年分戶二千
凡有產而無業積年空納其租許其還主者不可勝數

百疾來箴補千鈞待準平嗟予不如古斯道未能宏
我愛仙居好隆儒數大方諸生令講藝予每講書罷又
令諸生各轉相教授童子俾升堂公暇每有童子十數

人至堂上教授經書或試之書買地興民學因孔子廟
後修起學舍買三家之地以廣其基驅車下黨庠尋每
出行諸鄉遇有小亭則下以觀童子三年邑未化官滿
意彷徨

我愛仙居好公餘日在房憂民極反覆責已未周詳法
律行隨手詩書坐滿箱老來須向學多病喜平康

和子由初到陳州

蘇軾

舊隱三年別杉松好在不吾今尚眷眷此意恐悠悠閉
戶時尋夢無人可說愁還來送別處雙淚寄南州

廣愛寺朱瑤畫

蘇軾

朱瑤唐晚輩得法尚雄深滿寺空遺迹何人識苦心長
廊歌雨脚破壁撼鍾音成壞無窮事他年復弔今

過淮

蘇軾

好在長淮水十年三往來功名真已矣歸計亦悠哉今

日風怜客平時浪作堆晚來洪澤口捍索響如雷

乘舟過賈收水閣二首

蘇軾

嫋嫋風蒲亂猗猗水荇長小舟浮鴨綠大杓瀉鵝黃得
意詩酒社終身魚稻鄉樂哉無一事何處不清涼

曳杖青苔岸繫舡枯柳根德公方上冢季路獨留言已

占蒲魚港更開松菊園從茲來往數兒女自鷹門

郊祀慶成

蘇軾

帝出乘昌運天心予太平文章三代繼制作七年成大

祀乾坤合剛辰日月明泰壇朝掃地魄寶夜垂精仰御

圓蒼蓋還觀海岱城北流吞朔易南極落攬捨升燎靈

光荅回鸞瑞霧迎需雲徧枯槁解雨達勾萌可頌非天

德因箴亦下情民言知有酌帝謂本無聲富國由崇儉

新年在好生無心斯格物克已自消兵化國安新政孤
臣反舊耕還將清廟什留與野人贖

新年二首

蘇軾

小雨暗人日春愁連上元水生桃葉渚煙濕落梅村晚
市人歸盡孤舟鶴踏翻猶堪慰寂寞漁火亂黃昏
北渚集羣鷺新年何所之盡歸喬木寺分占結巢枝生
物會有役謀身要及時何當禁舉戈看引雪衣兒

倦夜

蘇軾

歌枕倦長夜小窻猶未明孤村一犬吠殘月幾人行衰
鬢又已白旅懷空自清荒園有絡緯虛織竟何成

次韻王晦叔

蘇軾

鍾鼓江南岸歸來夢自驚浮雲世事改孤月此心明雨
已傾盆落詩仍翻水成二江爭送客木杪看橋橫

次韻公定世弼登北都東樓二首

黃庭堅

真皇多廟勝仁祖用功深卜宅遷九鼎破胡藏萬金
百年休戰士當日縱前禽欲斷匈奴臂不如留此心
漢皇勤遠略晚節相千秋不足中原地猶思一戰收
聖朝方北顧斜日倚東樓廟筭知無敵寒儒浪自愁

歲寒知松栢

黃庭堅

羣陰彫品物松栢尚栢栢老至惟心在相將到歲寒霜
嚴御史府兩立大夫官犧象溝中斷徽絃爨下殘光陰
一鳥過斬伐五牛難春日輝桃李蒼顏亦預觀

款塞來享

黃庭堅

前朝夏州守來款塞門西聖上開皇極降書付狄鞮
裘瞻日月勢面帶金犀殿陛閑干羽邊庭息鼓鼙永輸

量谷馬不作觸藩羝聲勢常相倚令聞定五溪

神宗皇帝挽詞二首

黃庭堅

文思昭日月神武用雷霆制作深垂統憂勤減夢齡孫
謀開二聖求命對三靈今代誰班馬能書汗簡青
釣築收賢輔天人與聖能輝光唐六典度越漢中興百
世神宗廟千秋永裕陵帝鄉無馬跡空望白雲乘
次韻崔伯易席上所賦因以贈行

黃庭堅

迎新與送故渠已不勝勤民賣腰間劔公寬柱後文諸
郎投賜沐高會惜臨分去國雖千里分憂即近君

司馬文正公挽詞二首

黃庭堅

國在多艱日人如大雅詩忠清居沒世孝友是生知加
璧延諸老橐弓撫四夷公身與宗社同作太平基

毀善蓋棺了于今名實尊哀榮有王命終始著民言蟬
冕三公府深衣獨樂園平生兩無累憂國愛元元

范忠文公挽詞二首

黃庭堅

信道雖常爾知人乃獨亨書林身老大諫紙字欹傾鰲
去三山動人危五鼎烹保全天子聖几杖送餘生
公在昭陵日文章近赤墀空嗟伏生老不待邇英惟去
國幾二虎聞韶待一夔誰言蓋棺了新樂鎖蛛絲

和荅錢穆父詠猩猩毛筆

黃庭堅

愛酒醉魂在能言機事疎平生幾量殺身後五車書物
色看王會動勞在石渠拔毛能濟世端為謝揚朱

次韻秦少章晁適道贈荅詩

黃庭堅

二子論文地陰風雪塞廬寧穿東郭履不奉子公書土
固難推挽時聞有詔除負喧真得計獻佛忍成跲

文潛舟中所

黃庭堅

雲橫疑有路天遠欲無門信矣江山美懷哉謫逐魂長
波空永記佳句洗眼昏誰奈離愁得村醪或可尊

漢陽親舊携酒追送聊為短句黃庭堅

接浙報官府政違王事程宵征江夏縣睡起漢陽城鄰
里煩追送杯盤瀉濁清抵應瘴鄉老難答故人情

次韻廖明略陪吳明府白雲亭宴集

黃庭堅

江淨明花竹山空響管絃風生學士塵雲繞令君筵百
越餘生聚三吳遠接連庖霜刀落鱸執玉酒明如葉駉
飛來鳥壺公謫處天酌多時暴舞短更成妍唯我孤
登覽觀詩未究宣空餘五字賞文似兩京然豈是肱三
折官當歲九遷老夫看鏡罷衰白敢爭先

贈楊明叔

黃庭堅

窮奇投有北鳴鶴止丘隅我已魑魅禦君方燕雀俱道
應無芥蒂學要盡工夫莫斬援狙杙明堂待棟樑

閑居有感

李宗易

進退荷君恩孤懷豈易論以閑銷日月何力報乾坤架
上書千卷花前酒一樽相持兩成癖此外盡忘言

江上逢晁適道

崔子方

渺渺連江雨微微到面風主人留一餉佳士得相逢會
面嗟何晚論詩許有功君家好兄弟更覺此心同

荷花

豐稷

桃李二三月此花淫澤中人心正畏暑水面獨搖風淨
剝如金湧嘉賓照幕紅誰歌採菱曲舟在曉霞東

寄鄭介夫

畢仲游

鄭子安強否梅花萬里春如何投虎穴直欲犯龍鱗此
關今無數南方信有人可憐妻子在年少不謀身

春日獨遊南園

天淨鳥飛遠路幽花自香春風吹草木野水滿池塘事
去青山在人間白日長興來搔短髮微意久難忘

聞赦有作

張士會 舜民會

擊破填街道傳聲過水濱國嚴三歲禮恩洗萬家春舟
楫親南斗衣冠拱比辰嶺南并嶺北多少望歸人

曾子固挽詞二首

陳師道

早棄人間事直從地下游立原無起日江漢有東流身
世從違裏功名取次休不應須禮樂始作後程仇
精爽回長夜衣冠出廣庭勲庸留琬琰形象倚丹青道
喪餘篇翰人亡更典刑侯芭才一足白首太玄經

司馬溫公挽詞二首

陳師道

恭默思良弼詩書正百工事多違謝傳天遽奪揚公一
代風流盡三師禮教崇若無天下議惡美併成空
百姓歸周老二年待魯儒世方隨日化身已要人扶玉
几雖來晚明堂訖授圖心知死諸葛終不羨曹蜍

登城樓

陳師道

城郭春容晚因行可當遊飛來雙蛺蝶目盡一浮鷗峽
峻山將合江平水却流同來端興盡為且小遲留

和王子安至日

陳師道

物理有終極人情從往還陰陽消長際老疾去留間申
白徒懷惠巢由不買山更歌吾和汝風日稍侵顏

送吳先生謁惠州蘇運使

陳師道

聞名欣識面異好有同功我亦慙吾子人誰恕此公百

年雙白鬢萬里一秋風為說任安在依然一秃翁

懷遠

陳師道

海外三年調天南萬里行生前只為累身後更須名未
得平安報空懷故舊情斯人有如此無復涕縱橫

張芻令餘杭

孫處直

經年獨窮處此去豈無營最近吾民病無嗟縣令名官
卑人易信政肅化方行更有論心處前溪水正清

種圃

張耒

傲舍亦為圃從人笑我癡自求佳草木仍插小藩籬吾
事正如此人生聊自怡霜松未及尺獨我見奇姿

近清明

張耒

斜日去不駐好風來有情江城過風雨花木近清明水
樹閑照影山禽時引聲吾年行老矣淹泊蹇何城

晨興

張耒

端居歲已晏杖屨亦蕭然雲露窻前日秋明樹外天大
江寒欲落諸嶺霽逾鮮白首無聊劇昏昏只醉眠

都梁亭下

張耒

金塔青冥上孤城莽蒼中淺山寒帶水早日白吹風人
事劇翻手生涯真轉蓬高眠待春漲鮭菜伴南公

舟中曉思

樹色未啼鳥漿聲初度航客燈青映壁城角冷吹霜飄
泊年來甚羈遊情易傷年豐清穎尾吾計亦差良

南澗月夕

俞紫芝

華髮念秋晚青燈憐夜長香圃菊花露寒著橘林霜月
在北窻底人行南澗旁淒然不知去身興兩俱忘

廣武山懷古

劉季孫

楚漢兵相接乾坤晝亦暝虎爭千里震龍戰四郊腥故壘從誰問巖祠自昔靈光風吹敗木落日任飄零

春日遊金明池

李昭玘

日有江湖思坐無車馬塵橫橋自照水啼鳥不驚人輦路晴飛絮宮門暗鎖春多情老園吏灑地喜相親

獨步懷元中

洪朋

淨盡西山日深行城北村琅璫鳴佛屋薜荔上僧垣晴雨慰號腹夕風清病魂所思湫江水誰與共忘言

宿范水閣

洪朋

枕水鑿疏櫺雲扉夜不扃灘聲連地籟林影亂天星人淨魚頻躍秋高露欲零何妨呼我友乘月與揚舲

石牛莊閒居

崔鷗

不識春風面知從底處來紅深桃靨破綠靜水簾開物

外心常掛人間事不諧從今江海去無復世推排

見黃太史

高荷

萬里南溪郡黃香得賜環盛名喧海內摧翮返雲間太史資誠峻郎官選亦慳朝廷才特起堂奧援誰扳一夢追前事羣公厄後艱中傷皆死禍放逐罕生還別駕之戎棘僑居傍草菅想知諳鳥道聞說異人寰揚子家元窘王維室久鰥鵬來心破碎援叫淚浹潏達觀終難得羈愁必易刪衆情相惻憫靈物自恬憫迫閣澄秋晚幽窻聳夜跼蜀天何處盡巴月幾回灣墜履魂空斷遺弓涕忽潛石門淒殿楮銅雀慘宮鬢帝統聯仁聖皇恩感豔頰網羅疏黨禁誅蔓掃朋姦點檢金閨彥凋零玉筍班尚今宗廟器遙隔鬼門關拊髀咨詢及含香誥命頒笑談趨赤縣吟詠落烏蠻奏記懷東觀移文領北山應

將九遷待未補七年閑士愧千鈞弩身謀五兩綸退藏
欣望氣延仰竊窺班昌谷詞源窄浯溪筆力孱斷輪深
類扁投斧欲隨般鵠外真能伏龍鱗敢冀攀不嗔無紹
介試遣略承顏

題折氏下城南

吳則禮

繫馬後河川可人冬景妍要看花到地付與水浮天未
覺隨戎馬端來喚酒船誰云是關塞勝事總堪傳

春日書懷

潘大臨

舟楫凌漳水風濤接蠡湖龍媒成跬步驪頰脫微軀樂
土供遊戲深文苦繫拘曾中雖礙磊墻外或歌呼老去
嵇康懶歸來窸子愚千鍾真臭腐十畝借膏腴春雨何
曾密園花竟自都小橋藏細柳方沼出新蒲酒熟拈巾
漉經傳帶雨鋤行盤隨所有坐客幾時無日轉槐陰暮

門通鳥逕迂仰頭看哺穀引手亦將鷓撫事盆繅繭勞
生戶轉樞形骸浮大塊毛髮燎洪爐世論幾膠柱人心
盡好竿屠龍非至計射雉屈良圖借箸方隆漢推枰已
滅吳從渠蓋麟閣吾自著潛夫

江上晚步

潘大臨

白鳥沒飛煙微風逆上舡江從樊口轉山自武昌連日
月懸終古乾坤別逝川羅浮南斗外黔府若何邊

題呂少馮聽雨堂

李彭

碧澗寒侵屋幽雲夜度牆貪看山入坐怪聽雨鳴廊苦
乏陰鏗句聊登孺子牀非君無汲引寄傲學潛郎

春日有懷

林敏功

風高收雨急日薄過窻微梅菜初迎臈春溪欲染衣形
容今日是遊衍昔人非節物閑愁緒歸鴻正北飛

